



牛亭文編

卷十八 卷二十  
今體詩

和6  
1259  
6





門 1259  
卷 6

午亭文編卷十八

門人候官林佶輯錄

今體詩

聖德

萬壽詩十二首

泰符運啓 帝圖昌 還識流虹繞電祥 鳳曆紀元天

並永 龍飛當午日 初長仙桃結子春 三月御柳垂條

歲萬行 正是艷陽逢 聖節紅雲高捧玉壺香

日暖花明紫禁林 風迴青鑠漏沉沉 萬幾宵旰三天事

四海昇平五夜心 雨露 恩流金闕外 桑麻春長玉階

陰億年齊上無疆祝 總為憂勤卅載深

聖質 天齊凝寶命 神霄地迴照人寰 山河環拱眾愚



午亭文編卷十八



上日月高臨漆火間八表驩聲歌帝則萬年春色駐  
龍顏黃圖開拓要荒外榮遠何須閉玉關

講席經函列御筵淵源盡闡魯庭傳文成偉論高謨  
典詩就新篇達性天載詠光華同舜旦深明曆象定堯  
年仰觀俯察爲魚妙道契羲皇一畫前

丹地金鋪淑景新綺疏明淨對花茵九重清晏心無  
事萬卷詩書筆有神璀璨宸章懸斗極龍鸞聖藻  
麗星辰六文八法流傳盛光被誰能比一人

龍文五色護瑤笈拜賜恩華自日邊開處春風彌宇  
宙捧來瑞氣出山川香含月樹枝枝秀朗照驪珠顆顆  
圓琬琰恭撫垂寶撮惟南同壽永留傳

神威征伐久旋師灌燧銷烽正此時一自三迴臨朔漠  
遂令萬禩靖邊陲玉鞭畫舉靈泉出金甲宵明御寢  
遲北斗天南回望處於今中外盡雍熙

節儉皇家邁昔王聖心原爲恤農桑止須制用供  
天府直使流膏徧下方疊見金錢蠲百萬還思玉粒自  
倉箱陽和到處人懽樂春日春隨日正長

耕織新詩出土蘭情殷稼穡詠艱難恩添瀛海波瀾  
潤人到中天歲月寬繡壤風輕飛玉燕瑤池水暖浴青  
鸞吳綃並寫來王會若木流沙總莫安

黼座慈雲下碧空普天人在太和中祥刑德與唐虞並  
育物心將造化同丹鳳九重銜赦草金雞一夕報春



風遐荒盡是康衢地處處謳歌達 帝聰

荷鋤倚杖野農情每聽 音車為省耕瑞日早迎仙蹕

上彩雲時倚翠旂生華封人進三多祝嵩嶺神傳萬歲

聲江北江南長望幸五年今得見巡行

虞廷威鳳喜來儀麟趾文祥福履綏曠代光榮逾鎬飲

萬年祝頌叶豳詩春雲瑞雪迎三正甘雨和風順四時

仰荷栽培同寸草 恩深湛露近彤墀

皇子練鵲桂花畫扇

纓鳥多歡帶鳥仁秋林練鵲氣含春相隨阿閣丹霄地

彩鳳時時欲近人

一度秋風一度開仙姿信是不凡才天香何事盈懷裊

為是時常月殿來

題杜子樊川雲水怡情圖

朱坡綠水故依然小杜香名到處傳我欲遠尋無字劫

當時枉自號樊川余所居一名樊川亦曾因以為別字

恭和

御製為考試歎應 制

聖謨重廉介雅化已新更豈獨司文吏能容黷貨聲人

才關國是教養本 皇情上體公明訓無私便有名

寄僧定空

喚作定空空定否有名爭得似無名空元自定何須定

只是空從定後生



過法華寺懷三明長老

法華名最美此義暢宗風實相人猶在宗門事不空柳  
條春自綠花蕊曉逾紅咫尺雙林地雲山處處通

久不見昆公連有噩夢詩以問之

金盆月落屋梁邊塵尾多時破壁懸厭寐也曾施梵咒  
夢魂從不離初禪正思栢子三生樹無那桃花二月天  
萬事匆匆頭白盡幾迴安穩曉窓眠

重過萬佛寺

竹院還誰在山門重可尋日斜清梵放風定落花深欲  
解無師智難忘有行心真空能幾許却費萬黃金

夜宿野亭晤桐城相公話舊有作

野宿林亭意惘然風光依約似當年相過步屨將殘夜  
怕說江湖未泊船杏子生仁留燕乳柳花着眼對人眠  
槐根不比松風夢莫遣春陰過八磚

法華寺書壁

塵網重重暗劫灰一時心目頓能開曾知宿世因緣事  
看取蓮華妙法來

畫省

綠樹陰多映畫簾雕攏食宿好相兼勸君莫倚能言語  
人在春窓正黑甜

題初祖折蘆圖

廓然無聖語天然面壁還須到九年老我白頭聞道晚



息機應在十年前

題大士像

救苦尋聲是大悲有情覺盡佛因遲  
浮生衆苦多難達應是從聞入定時

題文殊像

稽首堂堂七佛師定中女子出來遲  
如何七尺鬚眉客一世曾無一定時

賜連瓶折枝牡丹四首

癸未三月廿六日

八方風雨長靈芽朵朵紅雲散  
綵霞天意未曾私一物上陽花勝洛陽花

樂天三度見花開曾惜花開老  
暗催廿載芸香香案吏

白頭驚捧 賜花回

輕紅魏紫總天香蘭佩還宜辟  
荔裳歸去輕紗籠暖日

潛溪緋襯御袍黃

潛溪緋亦牡丹名也 賜花有淡綠微黃一種

玉版檀心故晚開膽瓶渾送倚  
雲栽更教分與甘泉水全戴深枝雨露來

野亭作二首

琉璃為地自然平何處金繩界  
道行岍草林花高下態渚蒲水荇短長情  
莊生齊物焉知物老氏無名却有名  
苦為折臂辭手版誰言寵辱不須驚

雲樹連天見北平幽人自此樂  
郊行已無綠鬢渾閒事只為青山亦有情  
老馬為駒還識路野花結子不知名



歸來睡覺斜陽晚，抖擻黃塵莽自驚。

曉行二首

曉行青山中，白露方未晞。此景豈不佳，荆棘牽人衣。  
荆棘雖離離，出險殊不惡。回看幽蘭花，無人自開落。

浴罷戲題二首

不垢復不淨，寶珠何由生。盈盈浴盤水，清斯濯吾纓。  
豈因學道力，陡覺生清涼。灑然無熱惱，身有旃檀香。

四月三日出城送客，因以自喻。

戴笠乘車有舊盟，相逢相送廿年情。踏殘草色路長在，  
折斷柳條人未行。旅興不隨春日盡，野心還傍夏雲生。  
玉瓶沽酒旗亭醉，古寺斜陽卧似醒。

四月十一日夢中吳四默巖語金丹事，因口占贈。

吳覺而記之。

桑葉桃花幾度春，海山歸路渺難真。憑君細屬長生訣，  
火宅何須久住身。

題王方若龍竿集

客散茶香鶯語頻，閑披秋卷惜餘春。腐儒衰晚思同調，  
為想風流第一人。

獨酌郊樹下懷韓山

穿花踏月有誰忙，為送東風倒一觴。綠草成茵榆莢小，  
紅英掃地柳條長。古祠賽雨人皆醉，平壠眠雲麥半黃。  
惆悵田園西日外，年年春色老漁陽。



過法華寺不果題野亭壁

喚起窓前幽鳥飛  
冶遊心事未全違  
三生影事輸閑客  
四觀華嚴落鈍機  
山雨曉晴開紫翠  
野花春盡接芳菲  
倦尋古寺湖邊路  
垂柳陰陰信馬歸

獨酌二首

三杯四杯濁酒  
一句兩句閑詩  
樹上落花結子  
竹間新筍成枝

落日去如過客  
清風來似故人  
竹葉滿浮綠釀  
梨花勤買青春

閣中紀恩詩

內署恩深歲月長  
白麻宣出意徬徨  
名銜人愧文淵字  
表晚身驚政事堂  
門館無私因主聖  
絲綸有喜為時康  
閣前五刻趨宮漏  
常見宵衣侍未央

五月九日

賜御書金畫扇  
御製麥秋盈野志喜詩恭紀四首

宮扇親題  
御藻雄麥光雲淨  
曉浮空黃琉璃遍  
清涼

境盡是披香殿上風

柔綠柔枝輦道傍  
麥歧兩兩古漁陽  
五絃彈出中聲裏  
散作薰風滿帝鄉

莫階蒲萐長堯厨  
自有天文麗寶符  
底事恩光滿懷

袖驚看一字一驪珠

九華寶扇五雲端  
殿閣微涼暑未殘  
縱使感恩秋篋



裏冰心還映玉壺寒

恭和

御製麥秋盈野志喜詩元韻應制

清和時節見豐年麥壠盈祥氣候全並是兩岐兼九穗  
不論南陌與東阡三秋民樂同幽雅五色天文上御  
箋常記占星看礎潤夜深行遍玉階甃

五月十二日 賜觀

御製南巡詩卷恭紀二十韻

鳳紀天長久龍飛日正中萬年三月曆九叙兩河功典  
禮虞巡重江山禹甸雄帝歌垂睿想民俗入王風翕  
闢乾坤大鑪錘造化同詞源方浩瀚元氣益冲融丹笈  
迴雲篆滄溟散彩虹壁連還縹緲珠綴自玲瓏香影瑤  
編動鉛分寶字工鶯花供御藻雨雪志年豐玉律飄  
陽管金聲韻嶧桐衢謠歡故老巷舞走兒童恩與留  
題遍榮逾錫命崇道因神理貴物感至和通謨烈超千  
古文章達四聰祥烟盈卷帙瑞色滿書筒雅頌恢皇  
統英華發聖衷石渠春漱灑藜火曉曠曠高厚思隆  
遇迂踈愧匪躬併將颺拜意稽首祝蒼穹

史局得韓山書却寄

行屋千峰萬嶺分西來蒼翠入斜曛幾場春夢繙殘史  
一片閑心寄野雲見說故人方縱酒傳來新句竅能文  
寒窓燈火平生語除却君知世不聞



荅元朗

松風草閣晚晴寒不道炎蒸暑未殘呼酒敢嫌新吏舍  
門鄰酒壚愛詩長憶舊郎官人傳代北馮唐問書畏江東子布  
看惠我瑤華滿奩篋依然畫省握香蘭

六箴來自武昌

朝來乾鵲噪庭除池草春來慰索居車馬到門千里外  
光陰彈指五年餘曾於簿領知為政只見山川勝讀書  
說著江湖人已老扁舟來往子能如

聞聲山墜馬傷手戲贈

朱書腕後術誰工在手鈎文惜仲弓解道風流羊叔子  
也應騎馬至三公

再疊前韻

湖海亢龍氣已除寂寥誰伴子雲居松風夢破驚窓曙  
藜火燒殘似歲餘多事不成臨別酒無聊卻望遠來書  
流光努力君年富冉冉雙鬢我不如

恭和

聖製裕親王輓詩二章謹依陽青元韻

天德敷同氣巍巍雲漢章流芳傳睿藻樂善惜賢王  
桐葉飄踈翠棠華落晚香情深親灑翰兩泣迸成行  
內殿思前事皇心記幼齡少趨同問寢講誦舊傳經  
視藥調金七移鑿隔絳屏親賢加典禮編簡萬年青



冬日襍詩十首

金絲牆屋久荒涼，過魯曾知漢道昌。惆悵黃龍歸不得，

少牢祠裏祀舒王。

宋史

壁月瓊花事事休，胭脂痕斷井欄秋。三百年中四十帝，

青山如舊枕江流。

金陵

陡泉泉出洞渦水，驛印如今最謬訛。不比成臯爭點畫，

十州鐵鑄作同戈。

同戈驛本洞渦同戈說也

南食何當寄老饕，越舫吳艚天寒雨雪炊烟冷。

誰是燕人左伯桃。

午食

非關偏聽與佯聾，黃落經時問朔風。近得楞嚴觀葉意，

耳門圓照十方空。

耳病忽瘳

出網銀刀曉市門，歸來午食已黃昏。魚殮豈是貧家物，

咬斷新葢舊菜根。

家人餉以銀魚却之

九十六劫如俳諧，學他璫瑁嶺南齋。辟友一食真難施，

敢訝吾無一日佳。

近清齋百日

三千沙界了無蹤，影事前塵破幾重。我本無生元不滅，

當時何苦護紗籠。

畫畫廊前兩樹梅，看花人自故鄉來。未開紅蕊開時白，

道是先生手自栽。

深紅淺白蓼芽新，欲試春盤待曉春。坐斷五辛三種菜，

年來轉覺庾郎貧。

畫睡謝客



日斜窓影半寒筠却有疎梅欲放春掩卷已沾名句味  
攤牀未了睡眠因選圖枕畔華胥夢罷飲樽前見在身  
為謝九衢車馬客黑甜何苦換紅塵

范彪西索題 車駕西巡寵遇詩二首

舜狩仍千里堯文已六經山林垂顧問雲鶴想儀形灑  
翰超飛白留題照汗青歸來屬車上猶指少微星

大隱非北壑斯人應客星行藏殊捧檄勳業為傳經有  
道人師表中郎世典型銜來丹鳳字雲氣護山庭

賜山林雲鶴字

甲申正月十五日

上命撤所御宴 賜臣廷敬 諭臣子壯履恭傳

恩旨頒送到臣恭紀四首

吾君儉德到傳柑一宴年光四十三

上自御極元夜賜宴廷臣者一蓋康熙二十二年

年也今夕全家沾 賜渥不同歸遺與分甘

蕭蕭華髮入青春惶恐 君恩說老臣最是九衢燈火  
夜驚傳天使便寧親

藜火銀花接禁庭天邊 玉旨下青冥紫薇垣裏親傳  
與敢道臣家有聚星

溫飽當年未敢論藿鹽相伴久承 恩寒庖那識金盤  
味指點先嘗玉箸痕

久不得舍弟素心書聞去冬已歸自武安今忽復  
春且深矣惘然有作

關河霜雪賦歸與又值風光二月初竟日不成春夢句



隔年空憶雁行書  
閑門柳色開荒徑  
流水桃花到舊廬  
應識在家貧亦好  
信音迢遞渺愁予

青鳥

不敢求桃核  
開花今幾春  
那無青鳥使  
相慰白頭人  
西日瑤池遠  
東風紫竹新  
普陀炎海路  
萬古不揚塵

賦得心清聞妙香

南華近在贊公房  
一水曹溪接混茫  
曲逕行隨花氣遠  
畫簾相對篆烟長  
曼陀雨遍諸天會  
蒼藹春深選佛場  
解道音聞清淨地  
色空空色本無香

野亭望西山有懷

簷囊蠟屐鎮相從  
便欲登臨策短筇  
野迳春歸三宿樹  
石門雲散午時鐘  
金盃接語青山晚  
玉斧尋真翠壑重  
彈指十年禪榻畔  
道人行腳恐無蹤

三月二日經筵紀事四首

牙籤一卷幾回開  
近日新綸忝竊陪  
好與詞林傳故事

白頭丹地講書來  
經筵自昔屢命臣進講及拜內閣新命仍兼經筵講官

尚書水部無雙譽  
宮尹承華絕異才  
贏得頭銜渾似舊

押班春殿許徘徊  
是日華亭尚書海寧宮詹進講

石渠虎觀列經帷  
同異諸儒奏對時  
題目分明經

斷聖人書是聖人知  
進講是食是兵節時亮天工節皆上所親定

蘭珎別 賜常餐外榆火新  
温上巳前衰老蒙 恩憐

一飯歌衢正好在堯天  
是日撤御饌賜臣且命膳人謂臣在講席進時重熟與食聖恩至矣而臣衰老將比於康衢之野人云



宿野亭遲京江沁州二公

子夜文書午漏聲先驅駑馬出重城花邊風蝶閑來往  
柳外沙鷗解送迎綠水紅橋春似舊青山黃閣事相并  
邯鄲一枕華胥夢不覺晨鐘報五更

與李公凱兼呈徐果亭

蒲柳先秋露葉零碧天落落見晨星與君同甲髮偏白  
相對無言眼自青淮海至今歸大海午亭元是一長亭  
樽前張丈殷兄在強欲相呼一笑聽公凱與予同戊寅長三  
月果亭亦長於予數歲

閣中與曹蓼懷學士

未報深恩敢乞身一年相對已前塵窮通總惜朱顏老  
館閣常逢綠鬢新舊事幾迴蓮燭夜君家並有竹林人  
柳吟花醉輸閑客日日銅扉共曉春昔與學士世父顧菴先生同  
在翰林

旅宿懷梅莊

旅宿天無際平沙樹接低夜深還過雁野曠少鳴雞風  
雨人何處雲山夢不迷一條春草路直到太行西

和趙秋谷觀海詩二首

求詩八海氣崢嶸却卷波瀾見老成香土踏殘才思盡  
當時我亦一狂生

晨朝騎鶴暮雲行洞府仙官太有情只恐未忘人我相  
海山畢竟讓無生

野亭懷內直諸公

周廬野館共徘徊網戶疏窓面面開過眼春隨飛絮去



牛華文編卷十八  
三  
遨頭人及落花來隔林好鳥如相喚出岫閑雲亦未迴  
清書玉泉添漏水此中三昧即銀臺

半飽居士詩有序

喬公子德與來京師久客逆旅予勸之歸喬云吾無  
以自活予曰子幸有先人之田廬在吾居於此嘗記  
陸魯望語忍饑誦書率常半飽此亦處貧之一法公  
子便以語侵予天下豈有餓死宰相耶予笑而不答  
門人竊呼予半飽居士于生方曼性嗜酒聞予之告  
客者因止酒不飲恐傷其意作半飽居士勸酒詩  
大庖珍食也曾經晏進蔡羹戶早扃我自長貧甘半飽  
君因皆醉在扁脛豈甚白粥汝金谷合有青銅桂玉瓶  
燕市黃公鑪正好酒帘門外即旗亭

甲申七夕二首

想多情少一身輕想多情少出楞嚴經我願無生恨有生此夕果然  
牛女會生天也恐是多情

不見牽牛織女星銀河水長色冥冥憑君奏乞通明殿  
灑作人間細雨零

書豫朋棘南集

七年燕北別卅卷棘南詩小吏才難盡高天命不疑謝  
家真客子杜老好男兒却笑陶彭澤賢愚較菊籬

題孫湘南片石集

五字文章萬古情吳江隴首舊知名嵩峰華岳黃河水



如子雄才是兩京

瀘水春生大渡河塞山飛起遠嵯峨書生自有封侯相  
留得征蠻塞上歌

拈朱子句恭擬應制詩賦得霽月光風更別傳

五星東井事依然洄溯濂溪接後先一自圖書尋有緒  
頓令風月浩無邊勳華在昔三千載閩洛于今五百年  
學統此時符帝統斯文端是聖人傳

衰老

太平好時節衰老意多違身世何飄泊人天有是非法華經不

依止人  
天而住

孤鴻還自去乳燕各分飛物理真難問吾生安所

歸

青藤館稍葺落成有懷苦夫

城裏一山家籬踈晚噪鴉水含林際月苔隱石間花人  
與青藤老門留白版斜故人猶記否燈火十年賒  
真箇似童兒埋盆作小池雖無沙鳥過已有樹禽知素  
髮垂新領紅桃長舊枝恐君相憶處不是昔游時

送徐果亭還崑山

戀闕丹心皓首時掉頭無那故山期洞庭蝦菜催迴櫂  
阿閣鸞凰返舊枝黃紙箱邊同啓事紫薇花下對吟詩  
饒君獨占江湖勝蒲雨菰烟惱夢思

荅王生

故人之子王并州問我新詩紀舊遊浪迹仙人多愛酒



青蓮曾贈董糟北

北壁和壁間韻

麥寒經雨綠葉老受霜紅客舍青門裏離居又客中

霜鐘疊韻

霜鐘來不近披拂曙燈紅多少繁華夢銷沉向此中

再疊前韻二首

庭樹雞鳴早平沙夜火紅不須爭起舞吾已老窠中  
疎髻霜同白衰顏酒暫紅心灰兼耳冷猶在客座中

檢放翁詩二首

青山黃閣眼迷離文字叢殘晚歲時拂面冷風霜滿鬢

可因檢到放翁詩

殘年飽飯細吟詩一笑生涯老自知不識鱸魚尊菜好

多因連展與黎初放翁自注淮人謂麥餅為連展蜀人呼豆腐為黎初

御書春帖子恭紀

神書日貴通明殿春帖先題供奉班人喜王正逢 聖

藻兒驚

天筆憶

龍顏

臣子豫朋將之耀州任

門前豈敢懸雙壁楹

際真同被兩間捧向茅堂常北面年年樹頌祝南山

賜砥石硯恭紀

王氣留京奕葉隆五丁遺石自鴻濛削成寶硯天開闢

製出文思

帝化工玉几依光加洗濯清班分

賜並

磨礮承

恩真比北山重歲歲三呼

萬歲嵩

賜貂裘恭紀



金貂濫點侍朝元 輕暖還教被 異恩就日未知仙 珮

重因風偏覺 御香温親承 綸語量長短 論旨云此表朕所親服汝軀體

較小可覓良工略為裁製務令稱身 儘著餘年付子孫 忝竊一門兼再錫 微才敢

白鳳池論 臣子壯履並蒙恩賜

賜人參恭紀

賜觀植本幾人存 五葉三楹記 細論 戊午臣廷敬同臣英臣士正臣士奇臣杜訥蒙恩賜觀

人參植本 筋力已衰逢大藥 生成難報是 皇恩未隨芝草和

金匕先映樹花上 玉樽 除夕並賜上尊食物甚眾 曾說紫團圍 父老新

傳盛事到山村 舊傳上黨有紫團參今不可復得

賜玻璃器大小十四恭紀

春水未泮玉鼓堅 賜出玻璃世罕傳 虛白貯來皆萬

象清微 携得自三天 如遊佛國琉璃界 不費公家婦歲

錢 諭旨云此皆出工人贏餘非用錢糧所製故以賜卿等 歸路彩雲先 滿舍盆瓶處處華

御書大福字恭紀

維 皇錫福徧烝民 天藻親題到老臣 今歲預知明

歲喜萬家先 占一家春 仰瞻紅日長 如畫若比驪珠大

似輪億載光華歌 復旦溥將壽域轉 洪鈞

臣詩疊蒙

聖恩獎賞每聆 天語感激之下 涕淚零落累日 愧悚

恭紀以詩

衰鈍何堪感 至尊頻蒙激賞是 殊恩拋殘綺語文



焉用老罷丹心事可論一飯不忘如杜甫平生無憾勝  
虞翻傳聞多恐遺青史留取新詩示子孫

六日祈穀前一夕雪

同雲近接朶雲邊歆饗深知 睿意虔未轉條風先獻

歲十一日猶行臘雪兆豐年金甌卜曆過千閏是歲閏月玉琯吹

花到八埏扈 帝仙官多鶴駕騎來銀闕羽毛鮮

覓輿從不得偶作

跳浪羣兒自簸顛如山兩足步難前路長欺我太無力

回首沙堤亦枉然

正月十三夜同與可語梅莊山居之勝

雲裏山家咫尺間踏青未了試登還百年吾是今春老  
一歲人能幾日閑亦有玉城深似海誰知身患重如山

老子云吾之有患為吾有身梅莊北畔桃坡路前後東風總一般

午亭文編卷十八

男壯履恭較



午亭文編卷十九

門人候官林佶輯錄

今體詩

賜船恭紀

舟航利涉是殊榮特賜還勞記主名命以石家船賜臣此去真從天

上坐多時偏許御前行命在御舟前行春山春水年年好江

草江花處處生不為勤民叨法從烟波空有叩舳情

潞河訓吳西齋送別

鞍馬頻年老帝城臨流擊楫憶平生文章自寫衰遲意

烟水新關故舊情君向海山分位業我從塵土濯簪纓

觚稜小別勞相念柳外花邊昨日行

舟發潞河簡同直諸公



解纜冰銷及好春，碧琉璃淨鏡光新。別來官舍隨漁舍，禮罷山神見水神。塞北幾時今已老，江南有夢竟成真。連船擁楫相從處，應是三生未了因。

寫懷與同舟兼寄京師游好

杜陵野老一生詩，抗疏匡衡早遇時。得失渾如前日事，塵埃敢道十年遲。天涯船舫為書局，官路鶯花付酒卮。寄語京華驢背客，水雲閑淡有人知。

題石家船版上

禁中清漏語頻宣，水驛郵籤興舛然。令德世稱倉氏誅，佳名天錫石家船。論旨石家船好桃花滿載金波月，楊柳全浮玉座烟。大地恩光隨處是，五湖三泖擢歌邊。

舟行晏坐即事

畫舫烏檣宿靄晴，鱸烟近接御香清。吉祥雲裏從容住，安穩光中自在行。水月似曾經夢寐，山河今已見空明。君恩載得舟船重，五日常為百里程。

狼窩

狼窩名匪佳，條狼義有取。還將天山弓，射殺白額虎。

花朝寄阮亭

花朝往事夢魂遙，院鎖重簾話寂寥。十五年來頻聚散，今朝烟水是花朝。辛未與阮亭同領貢舉語江南烟水之勝余有詩云記取花朝明日是幾番風雨對牀時

聞岸上梵聲

明滅斜陽洲景微，梵聲何處出林扉。浮雲不限身南北，



年序文錄卷十一  
慧日常銷世是非塵劫遠尋期驚嶺江湖有夢到漁磯  
長河風利翻嫌駛處處茆菴可息機

同行諸子皆江南人即事有贈

輕寒薄靄汎遙津一出青門事事新官舫但容搜句客  
別船還載著書人河橋煙柳堪相贈江縣紅梅早放春  
君是南歸我去北不知誰主與誰賓

憶午涯煙舫題南來小舟四絕句

竹篙青幕漾輕嵐如葉隨風下釣潭秋水一塘輪一隻  
當時曾擬到江南

水嬉天慰白頭人南舫來時物候新不礙琉璃清淨眼

揚州因月台成春

南船應載五湖遊散盡行人萬酒愁得似多情白太傅

歸來舊舫憶蘇州

也是雲天是水天春花如霧柳如煙怪他日夜東流水  
送盡南來北去船

舟行寄舍弟

乞得篷牕盡日留今朝晴暖趁春遊一生閱世如窺牖  
臨老逢人解泛舟別後無書題塞雁行來有約寄沙鷗  
憑君了却公家事山水漁樵儘自由

汶水

汶水南來處迢迢作意行帆檣連帝里漕輓達神京  
善下還多讓居高最有情合流同到海對此豁平生



余觀天津北汶水潞河合流處心固已異之及東  
南行數日見汶水曲折流數百里而北一旦遇  
潞河水折而東若無意然者於余心益有感焉  
既為汶水詩又題長句以示壯履

舟過東南十日程偏於汶水最含情為憐宛轉朝京去  
還見低徊赴海行能以功成如未有却將身退等無名  
人生解識清流意何處人心不太平

早發滄州南三十里磚河驛懷湯西厓給諫  
與君同扈從先後是同舟春水生河驛閑花上戍樓三  
山連大海五壘抱皇州千古承平意因風寄櫂謳

交河河岸古寺

茫茫兩岸即恒沙行客流光暮景斜天雨似曾施藥草  
春風空自逐揚花心遊三昧渾如夢身許雙峰却是家  
煩惱不辭為宴坐碧雲無礙水無涯

入山東界寄阮亭

千里江湖夢三春雨雪遊風帆出渤海星野入齊州九  
點烟仍在長河日自流相思若汶水不斷繞行舟

德州南界懷田綸霞馮大木

夜過東陽界朝行衛水濱青春方浩浩白髮任紛紛山  
遠留殘照川長宿去雲閒心逐流水今日為思君

夜行遇淺寄秋崖京師

臨深方浩渺遇淺亦嶙峋月黑憑漁火天高訴水神千



檣雖共集四海若無鄰試問栖栖者何如京洛塵

曉行東光縣界

相報桃花恐易迷紅雲未動月輪西長年大是多情客  
伴我黃昏伴曉雞

南皮二絕句

漳水瀟瀟霸業休鄴中文采自風流甘瓜朱李西園夜  
回首南皮是舊遊  
簾華寂莫在斯頃金谷池臺徧綠蕪最是墜樓人未老  
真珠終不負齊奴

棘津城

倚櫂臨前浦蒼茫弔古情遙思渭濱雙一望棘津城水  
帶春星動沙流岸月明祇應垂釣處漁父足平生

武城南界懷六歲鄖陽荀少桂陽

纜向燕齊問路岐還於楚客寄相思一官萬里湖南北  
兩地三年人別離芳草池塘江上夢綠波春浦卷中詩  
不因霄漢乘槎下爭見連天水去遲

次臨清懷梅莊

江海平生意遠遊誰與同滿槽東上水半幅北來風柳  
已多含綠梅應早放紅山花開又落不擬在船中

河干逢蔣念祖使君撫今追往因有是贈

御史牀邊柏上烏龍門人在舊樞趨山長水遠詩難好  
化美風移興不孤說尹野人終在口勸耕春鳥曉相呼



郎君已自施行馬最有清名滿 帝都

過臨清計程既亭相見不遠戲有此寄

長風駕浪去悠悠過訪何當似剡中元禮自為倉卒客  
樂天豈是聶孺翁極知浩蕩如前浦聊得安閑出至公  
蠶尾鵲華紛在眼不應獨賞與相同

船牕見月

岸馬動如羣沙明曙色分樹迎前浦月人卧半船雲雁  
影連朝盡漁歌徹夜聞篷牕開復掩春思恐紛紛

土橋待聞行五闌矣

五闌行來物候新日高浪捲岸無塵似將池沼縈回勢  
留得煙雲浩蕩春雞犬村邊勸農吏漁商波上太平民  
昨宵親見天顏喜畫舫丁東玉漏頻

夜泊東昌城下

臨清昨夜春水生河上春燈曉送行今夜泊舟鉅鹿郡  
黃昏煙火似臨清

東昌城下巴泊夜移船欲過闌未得城東北隅有望嶽樓

一夜停橈處千秋望嶽情水流聊攝地雲鎖魯連城擊  
汰堤花動移檣開火明東樓不可上迢遞且南征

出陽穀界春秋齊宋江黃會於陽穀

少昊遺墟歷大東吾衰那敢夢周公周以少昊之墟封伯禽絃歌魯國

春風裏盟土齊侯夕照中終古奎婁天象在至今禾黍  
霸圖空斯文適遇興王會鳳鳥何時過故宮



湖雲二首

水上烟嵐迴不羣望中溶漾杳難分  
層樓日觀連天起知是湖雲是海雲

金臺玉殿侶仙羣雲自三山萬派分  
欲向此中訪黃鶴仙人騎鶴亦騎雲

汶水道中題觀海集

風流文采幾人同芳草萋萋汶水東  
千里山川高枕外百年身世一舟中  
風帆欲定歸神燕烟櫂無聲近野鴻  
我亦乘流觀海去把君詩卷問鴻濛

滕縣岸上人家

岸遠胡平雪浪堆煙禽飛處釣船迴  
淒涼華屋都經過只愛茅軒照水開

水鳥

初飛似整亂還低自信塗鴉一抹齊  
水鳥也思排雁字笑他野鷺獸家雞

沛縣界珠梅閣過三十九閘矣

退之汴泗交流句今日長吟笑口開  
解道洛川三十九不如春水一帆來

兩泊沔河二首

紅溼牕花逐慢浮翠低隴麥映波流  
蘭旌桂櫂終難似從此舟名喜雨舟

好風好雨送遙津同是敲冰嚼雪人  
酌取清波當桂醕



二五文苑卷十九  
七  
敢將牛酒瀆龍神

社日晚泊寄韓韓山

娟娟雲月點空斜  
忽漫春陰闌物華  
舊隱相依同社日  
孤帆陡覺在天涯  
難逢有味偷閒客  
易過無情伴老花  
回首厭厭真一夢  
海漚滅處是吾家

夢孟孫有序

孟孫小字臺哥  
余殤孫也以庚辰除夜生生之夕  
余夢孟子之孫來故名之曰孟孫  
生而聰慧絕人  
余特愛之以癸未中秋日不病俄頃而亡

自恨心清老未慵  
來無所止去何從  
斷魂往事孤舟客  
猶是當時夢裏逢

夢人贈筆

一字何曾轉法車  
膏肓泉石癖烟霞  
多君枉贈如椽筆  
幸不生來筆上花

將渡河夢與朱字綠別

汶流相送日清冷  
忽漫洪河望渺冥  
千里扈行猶輦路  
幾回話別是離亭  
花飛旅鬢逢人白  
草長天涯似舊青  
不為隴頭嗚咽水  
也因南浦惜飄零

渡河

畫舸中流一擢過  
日邊雲際渡黃河  
靈槎已見仙源路  
驚浪還為德水波  
禹鑿八年因地險  
帝平三患得天  
和吳檣越榜連江漢  
欲笑宣房瓠子歌



河上遇桐城先生二首

也紅亭子近如何歸路櫻桃應漸多不似黃柑三百顆  
封題遠寄洞庭波也紅亭先生亭名子為作記屢見集中  
連日春陰雨滿河河邊相遇日晴和却看雲散歸無事  
猶作烟巒水上多

河上白鳥羣飛略似北雁

一水連天雲四圍成行水鳥弄晴暉眼明不見春歸雁  
昨日北河相背飛

泊淮安城下廣陵以春橋見贈

春華秋實總含情金橋和枝露染成玓重過淮為枳意  
相逢今夜泊淮城

清江浦舟宿懷及門諸子

渾似都亭未別時紅舡烏榜倍相思文章自是千秋責  
衰晚誰堪一字師北去雲山人夢寐南來烟水路參差  
回看擊筑高歌地柔翰新編數首詩

二絕句

寧莫韓侯五世情不逢亭長亦埋名橋邊書卷知何用  
只好相尋向穀城  
解道人生隙過塵仙家辟穀豈無因娥姁彊食緣何事  
祇似摩登破戒人

平河橋南二首

芒屨蹋透利名關一葉輕舟祇是閑獨立斜陽心萬里



四  
天雲卷更無山  
千枝萬枝岼邊柳  
三家五家川上邨  
剪茅蓋屋荻編壁  
縣吏來時輕打門

三湖二首

湖光杳無際  
河上櫂歌行  
春水連天盡  
斜陽接地平  
雲霞三百里  
烟火幾重城  
可惜風帆駛  
郵籤促去程  
三湖望不極  
夕艇進長河  
老屋偏臨水  
童兒解弄波  
星明依釣火  
月影散漁蓑  
閱盡烟濤意  
生涯足歎歌

揚州二首

綠楊城郭古揚州  
多是三生夢裏遊  
今日到來雙鬢老  
珠樓空捲玉簾鉤  
煙月揚州處處花  
風流贏得俗人誇  
憑君更數淒涼句  
終古垂楊有暮鴉

泊舟揚州城下午睡起作二首

竹西何處水悠悠  
鼓吹居然擁上游  
不信揚州佳麗地  
道人岑寂卧孤舟  
破睡無如茗一甌  
松風魚眼已飈飈  
更分一掬中泠水  
盡洗江山萬古愁

江天寺即金山

吳楚地分南北戒  
江山天擁畫圖中  
拍浮慧日中流住  
湧現身雲彼岸空  
多寶已乘雙象老  
巨靈還戴六鼇雄  
却看無寶無虛義  
元相居然逝水東



聖恩疊被復蒙 賜金恭紀

香羅蛺蝶錦麒麟飽食 天廚盡上珍節儉 皇朝多

厚祿寒微家世不長貧一時更拜千金賜四海還同萬

戶春行向禹疆南北路蠲租處處樂堯民

虎北五絕句

雲巖寺

雲根拔地玉琅玕鎖向松門浸碧瀾深掩青山遮綠水  
只因多著畫闌干

生公講臺

一字何曾道著來拈花世界又花開誰知一片千人石

日日生公坐講臺

短簿祠

短簿祠荒春草新東亭待蹟久成塵能令公喜令公怒  
憐爾當時好事人

顏魯公刻石

魯公書翰自通神潑墨雲山跡尚新清遠仙人曾不死

應同塵世歷周秦

石刻清遠道士詩有云我本長殷周遭罹歷秦漢

千頃雲

寺後東軒名義取東坡詩雲水麗千頃

繡出春畦映水文菜花黃盡綠陰分無邊不礙虛明相  
萬頃波光萬頃雲

雲間竹枝五首

城外海江天一涯城中烟火萬人家溝渠盡長通潮水



籬落都開向日花

江城流水逐門開水上殘紅映碧苔試問柳塘深幾許  
兒童相報早潮來

山禽杳杳白雲中一日能乘九萬風何事華亭不見鶴  
鶴坡元只在城東

烟巒數仞立孱顏下瞰清溪碧玉環行盡九峰休悵望  
道人只住小橫山

江東人物渺荒北寂莫孫郎霸業休落日青龍江上水  
故應千古向東流

寶雲寺寄儼齋尚書兼懷瑁湖薛澱兩侍郎

官橋鄰淨宇川路接遙天朝送春畦水鐘流遠樹烟清  
華江左映文字禁林傳萬事夜游處無心問八禪

泊舟松江城下寄廖樾苻林慮

早潮相送晚潮迎帆落潮平暮靄生老去北山思舊隱  
夢回南浦悵離情清泉曉映黃華谷芳草春深白苧城  
才子高名喧小邑可堪經術用西京

雲間弔董閻石

目為傷春極情因感舊長歎行垂老淚千古別離腸江  
館荀鳴鶴亭林顧野王才名終寂莫憑弔白斜陽

次嘉興寄儼齋尚書二首

回合三江送碧流雲間東望水悠悠越山未到吳烟暝  
修竹柔桑入秀州



西去扁舟夕照時  
落帆亭下落帆遲  
五茸好景空回首  
為報江南數首詩

過嘉興懷朱竹垞

一城屹立似牆孤  
東並三江盡五湖  
渾似天津分水處  
故人喚作小長蘆

舟次襍咏四首

京口至餘杭河渠八百里  
本為通舟船分作溉田水  
栽桑如插稻溪止自成田  
始信麻姑語曾疑是浪傳  
夜夜水上宿識得水上趣  
鴛鴦與鷓鴣原在無人處  
三月吳興守千秋數首詩  
茗溪與雪水淚比峴山碑

懷彭羨門少章二首

相思極浦空流水  
終古寒潮帶夕陽  
一到江天吟秀句  
故人文采似文房

寒潮句彷彿記憶是羨門詩集亡去無可檢視

彷彿清詩慰寂寥  
吳山越水路迢迢  
試吟海月江潮句  
自古精靈應未消

雙溪橋寄廖衡素虞箴二首

前日三江口五朝復五暮  
今日雙溪橋是白松江路  
江路人已遠臨流獨浩歌  
思君若春水日夜向秋波

西湖同京江先生宿瑪瑙寺

碧峰削玉插雲浮  
明鏡湖光淨不流  
雲水到來如昔夢  
波濤沙後見虛舟  
山人有約遲歸鶴  
野客忘機狎白鷗  
一片閒心天付與  
煩公時屢廟堂謀



詔以臣廷敬昔未至湖上 命出觀一日臣玉書

臣揆叙並同即事恭紀

海山恩澤到樵漁處處香花祝 帝圖若問浙西名勝地  
韜光過後是西湖

杜鵑花江南處處有之皆紅色至武林乃有進白

杜鵑花者扈從諸公皆有作亦作一首

杜鵑花發杜鵑枝絕域經年到玉墀自有風光隨鶴駕  
豈因霜雪老蛾眉月明影靜三更後香冷聲銷萬籟時  
解語無言還獨笑啼紅空負錦城詩

玉泉寺

碧玉環流浸碧虛玉泉只可伴山居他時重舉東坡語  
曾謂萍屏金鯽魚

西湖八首

不愁平展漣漪水最愛斜堆斷續山誰識天公才思好  
留將詩畫與人間

江東北固與西湖好景天然兩畫圖霜竹已非劉氏宅  
湖山留得一林逋

一水孤山未覺遙夢中竹閣雨瀟瀟樂天院裏無人到  
應恐清都誤早朝

漫將往事說錢鏐陌上花飛似汴州我向西湖湖裏住  
不須更上望湖樓

自識為農氣味長伴他艤舍與漁莊六橋花柳無閑地



猶有人家幾樹桑

欲盡江山未却回錢塘波浪雪成堆西泠橋外汀洲路  
為看江湖昨日來

放鶴亭邊鶴未回水禽相對不嫌猜門前來往孤山下  
三日鷓鴣日日來

看盡江湖與海潮湖心小駐似金焦籃輿早趁扁舟道  
回首閒情在斷橋

歸舟太倉道中懷王顯菴司寇

畫省從容吏散遲水天閒話寄相思孤舟來往婁東道  
啼鳥疎鐘憶舊時

吳門回舟走筆雜題留別訪濂五首

玉局筵前拔船行長思苦語盡平生淋漓一夜征衫溼  
不是人間離別情

兩度高齋往却還忙時相對別時閒白雲回首姑蘇道  
不覺歸帆過惠山

把君詩卷重瑤璫贈我新篇道氣存絕妙好辭鬢亦白  
乃知文字是名根

青天萬仞一身形飛去何因有翅翎今日黃梁雖已熟  
盧生枕上不曾醒

腸斷孤舟春水聲雙魚遠寄百愁生無情頗記楞嚴語  
度世何嘗不有情

白容道中寄彭蓼洲史曹司二首



三茅誰繼古仙蹤  
占斷金陵地肺重  
歸去海山猶未是  
教人却憶小茅峰

二子清詞獨起予  
瑯嬛祕籍近何如  
然青檢遍仙人錄  
應在隨鑿第七車

聖駕展禮明太祖孝陵恭紀

皇情思往代曠典逮前王  
封樹生春色山川貴寵光雲霞扶  
御輦日月擁垂裳展禮如禋祀  
敷詞每肅將臣工紛感動士卒亦徇徨  
一念同天大千齡應運昌歷觀前史  
徧孰與聖恩長紀載無雙筆謳歌自萬方  
恭陪逢喜起伏謁在班行擬進封人祝還賡天保章

秣陵口號

南渡風流跡未賒  
回看嵩洛日西斜  
中原曾是煙塵壘  
江左還留故舊家  
元武湖連桃葉水  
烏衣巷滿冶城花  
白門却似隋隄柳  
終古蕭條有暮鴉

金陵留題逆旅主人壁兼詠懷古蹟十首

終古行人夢未醒  
勞勞亭外短長亭  
白門柳色依然在  
一種離魂草更青

蓆帽山人去渺茫  
奉金贈遠意何長  
相思他日來相訪  
王屋山前是小莊

晉苑吳宮夢裏遊  
登臨無暇去悠悠  
不須盡攬江山勝  
二水三山也自愁

烟塵金粉並成空  
六代興亡過眼中  
留與悲歌渾閒事



祖堂山畔問南融

華屋山止事可傷謝公遺跡一露裳會稽自有東山好  
却上城南石子岡

一角殘山夕照昏秦淮往事黯銷魂留將三畝烏衣巷  
江左清言屬謝鯤

伊蒲人自潔齋厨香飯多年啖野蔬何事誌公蓮舌底  
居然吐出鱸殘魚

不老青山路不窮長江千古自流東紅塵白日紛紛去  
舉世何人似葛公

江總宅邊淮水流閑花野草自春秋衰顏羞照青溪影  
憐爾還家尚黑頭

悠悠西浦靚濃妝洛水明珠贈桂陽判斷三生緣已了  
憑他神女杜蘭香

蔣山

蔣山行處是碧玉削芙蓉一別青溪曲雲嵐隔幾重風  
林前浦笛烟寺遠江鐘似有神靈語他年訪舊蹤

靈谷寺

靈谷鍾山事豈同孝陵不復有遺弓天留布帽傳千佛  
人訝金棺識大雄已墮鼎鬚終寂莫常乘牙象在虛空  
神光湧現華嚴界塔影江聲問誌公

歸次金山寺作

崔嵬千尺影巉巖除却浮槎渺莫攀獨立何曾緣兩岸



並行終欲後三山天遙海蜃長漂泊日落江潮自往還  
波浪若能驚地軸孤根應不在人間

歸自金陵次金山寺懷孝感先生二首

澹粉輕烟往蹟遙蔣山殘靄暮江潮萬千氣象巖巖裏  
也為風流愛六朝

俯仰天淵道甚明興亡難問石頭城水心山骨留題處  
想見先生萬古情

郭景純墓

香火情多故國緣來看靈爽在江天後湖亦借公名重  
多恐先生是水仙景純聞喜人墓在江中一云在元武湖中

金山懷史蕉飲却寄周桐埜二首

空明浮玉推青霄始射仙人近可招却望蕪城詩思好

大江鐘送海門潮蕉飲詩浮玉鐘聲剛到岸又隨潮送海門秋余每

青山猶是六朝非走馬金陵昨日歸萬古澄江淨如練  
有人解憶謝元暉始余訂交桐埜以金陵懷古詩

焦山二首

過眼榮華絕可憐漢家宮闕渺浮烟江東曾是孫郎地  
却有名山屬孝然

焦公舊隱跡如新西向孤墳弔景純千里江山不寐莫  
遙憐二子是鄉人孝然亦晉人

瓜步道中

渚邨維畫舫步屐入煙蘿水特風眠柳江魚雨戲荷笛



聲浮翠落帆影拂雲過歸去淮南路青山隔岸多

次維揚賦答徐蘋邨侍郎見和西湖詩八首

蕪城相望倍相親鄭重瓊瑤袖裏珍二十四橋空在眼  
只應回憶六橋春

公望公才在廟廊琅函典領水雲鄉西湖風月東華路  
回首登臨憶侍郎

錦標奪得萬人中御覽詩陳造化功每奏一篇天一  
笑并将圖繪入幽風

槐庭往事十年時靈鵲聲中晝漏遲携得蛟龍天上筆  
扁舟吟過水仙祠

黃河遠上憶旗亭人散尊前幾度聽更奏聖湖新樂府  
一時傳唱與秦青

別去情懷白首中磨丹清墨有何功文章大手終須讓  
又見風流小許公

羽林小駐碧灣間濫點蓬萊侍從班我是歐公堂上客  
相隨不復到平山

何郎請郡為花來得似孤山院裏梅自笑江淹才欲盡  
筆花載得滿船回

和江舟中別訪濂

此行此別欲淒涼忽灑臨歧淚數行夢裏不知關塞遠  
歸時那惜道途長調飢辟穀思真訣多病安心試好方  
江上青山猶送客連檣况復似連牀



虎北不及弔汪鈍翁歸次廣陵聞蛟門墓在平山  
堂側亦不得一往志感二首

宿草春風幾度青江東者舊總飄零誰知此日孤舟淚  
并在山陽笛裏聽

烟月揚州夢裏緣故人精爽自依然回車何處平山路  
腹痛當時語浪傳

### 楊子鎮

在昔邗溝外金沙積未平江臨楊子鎮山近廣陵城地  
自隋唐異情因今古生淒其陵谷意付與濁醪傾

### 召伯埭

出鎮東南節蓋雄廣陵北埭晉時功已無雙檜甘棠在  
此地人知憶謝公謝安宅有手植雙檜晉時物存

### 發廣陵夜行明日次寶應懷王方若

竹西歌吹罷灣口似殘春何處金釵澗相思玉局人五  
湖猶在夢三畝可同鄰浩蕩烟波裏沙鷗已自馴

### 圮橋

自偕黃石老不共赤松遊五世韓陵土千秋博魚流功  
名是伊呂人代異商周綠綠圮橋水斜陽去未休

### 淮上懷孫籜菴學士二首

斜日歸帆去未休淮陰城下水交流逢人欲問安羅樹  
碑版常懷李海州籜菴書古詩十九首石刻藏於家

年少相逢意氣兼送歸曾賦射陽湖恰如莘老初登第



覺社光中得大珠

淮水

桐栢深源濫不收，出山爭似在山幽。能兼百里馳千里，故使清流滄濁流。水面暗浮春色遠，湖心高映月輪秋。時行坎止關人事，自古防川貴善謀。

歸舟渡河却寄王吳廬尚書三首

小謝青山太白磯，大江西望入清暉。當年欲買金陵宅，今日孤舟送浪歸。

鳳凰臺迥夕陽邊，挂頰難籠望渺然。也是江東一回到，人生蹤跡總堪憐。

胡海蓬人一笑還，秣陵風景夢魂閒。相思為報三山老，已見黃河北岸山。

歸次天津寄舍弟

別後江南路，歸來薊北門。誰知潞河岸，還見海潮痕。船舫城邊市，漁商水上村。結茆何處好，一一細堪論。

題夢綠草堂種樹

六載艱難蜀道行，秋來迢遞在秦城。無端種得西墻樹，日日斜陽送晚晴。

和人燒香曲

不論年老與身忙，萬劫浮生坐裏長。何限娑婆閑世界，能消幾許六銖香。

小山臺同虞良西齋對酒作



小山文字飲臨眺盡秋城徑逐虛嵐上樽隨淨露迎人  
間從野性物外得歡情今夜清吟客誰聽別院聲

西齋居  
臺南院

次韻西厓題河上集八首

行漏郵籤水驛遲滄江今是鳳凰池相看青翰如青瑣  
春到鸞坡下上時

熏風欲和五絃琴雙鳥千秋會一尋誰作人間膠漆意  
雲門天上奏元音

海山歸路渺無邊曾與仙人撫八絃近日水雲空處住  
不思依止向人天

桃花時節想君詩惠我東籬采菊時回首青谿南畔路  
陶家酒勝謝家碁

謾謾長松夢裏風優曇花散此山中不因歸騎息息去  
問法求詩並向公

游靈隱西厓先在草堂未遇

清詩相贈抵聞韶我亦因風度碧寥東野為雲從上下  
南過天目北中條

不見黃門日易秋故人吳質近南樓

元朗作  
我比鄰

眼中吾子聲

名在老我能堪第二流  
西湖左掖從游地館閣年來物望多更把黔陽詩過日  
雲山萬疊勢嵯峨

時誦君使黔集

九月十五日循西山下行過亂石村峯嶺奇秀輿  
中讀使黔集及扇上詩有懷西厓二首

石奇那得亂村好自知名紅葉通西寺青山繞北平未



窮關塞勝難盡古今情却羨黃門客能為萬里行  
紈扇如明月清光袖裏偕涼風字不滅白雪調難諧重  
以友朋念兼之山水懷行行纔昨日秋色滿槐街

寒夜即事寄訪濂館丈

霜風催我出前軒惆悵西窓宿火溫待漏院傳深夜點  
校書閣掩幾重門春歸江海傷離別歲晚關山役夢魂  
遙想揚州人未去官梅詩興與誰論

苦寒出門懷荀少

多少無衣陌上人乘車那惜出門頻自驚客路今年冷  
誰見郊原十月春風急不知黃葉盡霜明欲稱白頭新  
天公作意催吾老相別相逢只愴神

野宿荅虞良

殘夜城邊客斜陽幾度催暮雲依樹宿歸鳥逐人來春  
入新詩句寒銷濁酒杯北門應下鎖愁絕夢能回

夜行寄給孤僧

祇林霜月挂踈松倒影寒階落葉重庭樹烏栖人去早  
五更誰聽寺樓鐘

北墅夜寄訪濂

六分春色去匆匆惜別江鴻與塞鴻宿夢已遲三月雨  
桃花先落五更風夢魂顛倒青山外文字叢殘白髮中  
若過清泠江上水憑將一洗陌塵紅

陰雲連日風輒散之有作



薄陰微靄過高城忽漫狂飈四野晴花藥總開紅溼少  
柳條空飈綠烟輕雲師杜甫誅堪惜風伯呂黎訟未成  
獨使九重勞盱食堂餐深覺愧平生

北墅歸偶書

湖光裂帛隱嵯峨泉石西山望裏過一路柳風踈雨後  
半身花影夕陽多行來沙際留鴻跡歸到門前有雀羅  
老屋幽窓聊暫憇經春寒竹共婆娑

郊館夜晤牧仲冢宰

黃散功名畫省詩卅年心事故人知迴驚海內交游少  
却訝天涯聚散遲芳草長洲春去後落花高館夜深時  
藤陰舊是栖栖地風月今宵有夢思

春思

落盡桃花柳絮飛粘風缺蝶上春衣金錢欲卜還拋却  
怕說行人且未歸

猶子觀頤咸受相聚於京師惘然欲別率爾言懷  
汝伯衰頽意自傷浮沉二子各飛翔春歸華省留紅藥  
人到踈籬待晚香拙宦已都成夢寐早年何用卜行藏  
牙籤白首誰能觸萬卷携將代紫囊

三月二十八日夜與牧仲有郊館唱訓詩一時和  
者甚衆五月三日夜獨宿疊前韻二首

漫叟遺風寫興詩關西清德畏人知竹林啓事偏來早  
蘭楔流觴不較遲秀句我應慙少俊名場公自擅當時



龍雲相逐還相見，此載能禁一昔思。

同詠清暉謝客詩，暮天雲樹杜陵知。二泉水繞波來遠。

西山有二泉著名

新月山長影去遲，麥熟鳩飛踈兩外。柳眠人過

晚涼時相逢為道，頻相憶綴壁聯珠繫我思。

贈蔣靜山

尺五城南一畝廬，寂寥因見子雲賢。杜陵韋曲宜春外。

芳草孤花夕照前，臺迥黃金多士貴。調高綠綺幾人傳。

君王自賞相如賦，不用吹噓送上天。

荀少近喜為詩日，以示予遂忘羈旅之感。即事寫

懷亦異，夫有進乎是而得詩人之意也。

眼前念念亦皆陳物候，推移幾故新。秀句自吟差有味。

好書多讀可忘貧，牆頭青實金宜夏。屋角紅花別似春。

簾閣縈香清晝永，此時相對即離塵。

午亭文編卷十九

男壯履恭較



午亭文編卷二十

門人候官林佶輯錄

今體詩

題內閣楮樹二首

桐方蔡紙在人間，樗櫟何曾似子頑。紅藥嬾驕春葉艷，

閣中舊有芍藥綠毛解惜鬢絲斑。聽殘鈴索音聲樹去趁，花磚供

奉班。時兼內直一種西牆連沃葉，輸他桑者自閑閑。近樹十武有桑一本

暎日籠烟紫禁深，萬年枝下亦森森。絲綸自重黃繒色，

槐柳元多碧樹陰。薄有流膏因湛露，那無散木寄長林。

茅檐得就桑榆暖，閑向山農詫越吟。

北墅懷魏無偽

柳花風定麥花開，北墅西頭日幾迴。夏雨欲看鋪隴上，



春泉且喜入池來  
延英舊事懷遺直  
禁苑新綸寵異才  
自是鳳毛常五色  
獨憐沙鷺立徘徊

為李東生中丞作

三年政地知吾老  
每見除書歎子賢  
名姓直從天筆  
定絲綸不假殿麻  
宣高烏故自栖臺  
柏鳴鳳還須叶  
帝絃舊日蔚州芳  
跡在龍門不遠雁  
門前

奉同安溪先生夜行赴

苑中應

召即事賦呈

自看蒲柳向秋零  
柔翰功名一葉萍  
近日詔麻推將  
相有人綸閣重  
朝廷畫勤三接稀  
宮漏夜久頻宣撼  
索鈴斷續火城沙  
路遠百城還擁讀  
書螢

夜行即送咸受返故園

一燈無語對青熒  
誰道傳呼近火城  
玉勒馬嘶驚判路  
銅街人起報三更  
我尋北墅烟中去  
子望西山月下行  
十里陰晴渾不定  
祇應浪迹過浮生

兩行二首

柳長紅橋低綠垂  
陰陰何處黃留離  
山禽引雛雨中去  
燕子到家人未知

鬢絲榻畔裊茶烟  
眼底松牕一覺眠  
雨黑不知時早晚  
合昏花似夜摩天

夜摩天以花開合為晝夜

西湖詩查德尹太史見和  
出入懷袖已逾一載贈  
處之義情不能已  
疊韻奉酬八首

把君詩句一開顏  
夢裏烟波別後山  
近日心情還似舊



西湖風月軟紅間

二州連守為江湖一笑蘇公蓑笠圖若是玉堂天上客也  
也因雲水羨林逋

孤槳扁舟路轉遙濛濛烟雨水瀟瀟白公隄向蘇隄去  
不看湖山趁早朝

過江南渡與錢鏐歷歷皇輿屬帝州君向迴鑿亭  
北望望湖樓是望京樓

雨葉烟枝樹短長南屏西畔水雲莊不因桃李緣堤好  
自愛門閑十畝桑

拄笏看山杖策迴湖光裂帛湧成堆憑君莫道西湖好  
自有西山爽氣來

續踏金坡春草迴荷衣爭遣野人猜花磚髻影鬢鬆甚  
儻趁朱顏合早來

孝然石室對江湖仙去名山尚屬焦記得與君離別地  
段橋應喚作查橋

憶與牧仲郊館夜集二絕句

夢入新豐路未長依然題竹滿筠廊恠來詩與花枝好  
人在宜春別苑傍

泉石蒼烟接近村夜深月照兩閑門午亭歸路憑君問  
山後青山是故園

雨不止示家人

自要蓬門閉不開蕭蕭苔徑長蒿萊從教新雨無人過



曾見人誰舊雨來

次韻牧仲晚涼之作

蕭蕭花影動檐風  
催早秋梁栖雙燕  
老簾度一螢幽書  
欲親黃奶六朝人以書為黃奶人誰共  
白頭聞君感紈扇  
緩置篋中不

閒情

流俗知誰是閒情  
覺未慵壚添沽酒  
券市揀買花傭屋  
逐高雲去烟和細  
雨重忘機隨物性  
遲暮適何從

史蕉飲都諫春泉洗藥圖

欲訪名山未有期  
鹿門逸興謝家詩  
御溝流到春泉水  
正是當階紅藥時

南行將發京題彭訪濂茅山集却寄二首

夢裏西嶺可重尋  
瑤華相贈比南金  
春風送客花枝動  
遲日維舟柳色深  
佳句百篇千里路  
尺書三載故人心  
白頭萬事都拋却  
猶愛夫君吳會吟

九河水接五湖流  
直到君家下小舟  
歲月載添衰謝恨  
江山一洗別離愁  
春來遠客令聊爾  
老去狂歌且未休  
了却南園重到意  
乞身章上便林丘

待舟題北鎮舊詩

柳暗青門道花明白  
玉珂三春飛旆去  
萬里使車過漁  
唱江南曲龍沙塞  
上歌平生遲暮意  
無那壯遊何

安溪先生獻歲有詩即事留別

萬人傳唱和人驚  
竊渺朱絃殿閣聲  
寂有文章緣政事



豈因官職重詩名相看綸藻詞先定獨對花枝白又成  
皓首從公真覺晚一春小別廿年情

張衡臣編修以扈從先歸親省贈別

也紅亭遠柳毵毵我去君來春正酣試向亭前傳一語  
櫻桃時節到江南

留別齋中花樹

柳葉似為青眼客桃花應笑白頭人早償洛下三生債  
老趁江南兩度春未到啼鶯吟自苦還同旅雁夢相親  
數枝寒竹經冬綠留待歸時紫籜新

夜坐別雪鵑

皎皎春初夜團團月向明還為數座坐不似別家行塵  
垢山河淨琉璃世界平此時殊有意那得竟無情

恩許先一日發京於水次待駕

羽衛傳清蹕天行念老臣暫分仙仗路先及屬車塵雲  
水臨前浦烟花接早春恩光隨處好普為萬方民

宿安平鎮

殘更待曉闕薄靄投遙林不覩溝塍處寧知耒耜心雲  
山春色早簷組歲華深昨夜來燕市猶聞擊筑吟

潞河見月寫懷

明月生海上蒼茫東海東仙人亦悵望吾意偶然同信  
宿萬里始離塵千慮空夜來摩尼色似已凌清風

聞笛



揚柳青青沙雁還時清羌笛戍樓閑更誰吹出關山月  
照盡邊關與塞山

白河

白河通鳳沼遙映玉泉峰山曉月光澹水明花影重遠  
波歸海近空翠落潮濃淼淼江湖去仙源此處逢

武清道中

雉乳野雞鳴迢迢遠鳳城連天海色暗湧地一輪明白  
里京華道千山故國情南來重回首春盡是歸程

武清南店贈楊生

野館官河路春風蕩柳條輕烟直沽水斜日木蘭燒香  
稻來江國汀洲上海潮喜逢燕趙士還與酒帘招

天津

津門控上游銀漢接天流水合三叉口橋連萬里舟烟  
花河兩岸城郭海西頭自是繁華地無忘羈旅憂

次楊柳青船上作二首

三日黃雲逐岸沙得船今日似歸家午亭烟舫春光暖  
飛盡東風楊柳花

漁子風潮若個邊榜人相就宿寒烟 天家賜與舟船  
好款乃聲中似往年

舟中寄舍弟

青山原上百花洲浪逐桃紅出澗流夢裏京華千里外  
不知今夜在扁舟



舟中留別京師親故

一棹烟波萬慮輕  
畫旂斜捲晚風晴  
好春臨水灣灣好  
明月隨人處處明  
海上蓬山遠昔夢  
天涯書舫得浮生  
綠楊影蘸桃花浪  
應是離人惜別情

楊柳青解維襍題兼寄彭訪濂六首

秋日楊柳黃  
春日楊柳青  
千條與萬條  
長亭復短亭  
河上江雁來  
飛飛塞北去  
江南有故人  
來時在何處  
驛使經年到  
梅花寄隴頭  
一枝東閣晚  
應是在揚州  
離京三百里  
為客九迴腸  
平野天疑盡  
官河路轉長  
思君以流水  
到海有終極  
與君相見時  
別後思不息  
暝色赴孤舟  
烟中夕鳥投  
水行無定準  
幾日到吳洲

武清道中寄西齋二首

惆悵別離盡  
素心安所期  
海潮初到處  
江雁遠來時  
路入深春早  
舟行夕照遲  
烟波望無際  
渺渺寄相思  
思君如明月  
處處映清波  
舊隱江邊在  
新詩海內多  
舟航通水國  
燈火宿春河  
誰道天涯遠  
東風一棹過

靜海道中

往來成利涉  
烟景豈蹉跎  
夜舫覺潮響  
春燈聞棹歌  
百川東近海  
千里北流河  
疏鑿當年意  
吾生喜重過

舟泊靜海南四十里贈勵南湖

君家河水上  
數里惜王程  
海色連津樹  
春流遶縣城  
檣烏歸岸遠  
沙雁入雲平  
行漏迢迢夜  
非關契濶情



滄州道中懷勵文恪公

春風渤海郡人日草堂詩高遠夫有人日寄杜詩故里淹行客芳洲惹

夢思功名元特達文采重凄其回首山陽笛孤舟淚欲

垂

河上逢子文

河水東流雁北迴青青柳色傷人來停舟借問江南客

江上梅花開未開

桑園山東境南宿十五里曉發寄舍弟京師

桑園漁火接通津未比桃源遠世塵但有河流長送客

祇因柳色解隨人雲山海國蒼烟晚風景幽州白日春

昨夜池塘青草色夢回陡覺別離頻

德州北曉發遇阮亭

春岸沉沉撥棹聲長川疎柳帶高城寒燈夜雪依篷重

清鏡衰顏映水明每惜芳年曾久別驟看遲暮若為情

相思應到分流處汶水東西兩送行

河上有懷二絕句

水流東到海到海是歸期惟有思君意悠悠無盡時

思君比海水海水鎮常好不似與君離生年日易老

夾馬驛次韻京江先生雪中並騎回舟見遺之作

自覺衰顏組濫紆陽春雅調入疎蕪門迎宋祖銷寒酒

用宋藝祖雪夜訪趙相事筆掃袁安卧雪圖共喜雲霄千里瑞儘堪簑

笠一舟孤年來大手蠲通詔何止山東百萬租



臨清待聞懷湯西厓中州

前歲下滄州春雲接薊樓今宵泊東郡西月挂嵩北清  
濟還長見黃河自由流與君塵外賞能緩別離愁

臨清聞逢劉生

昔別燕京道今逢衛水濱開西衛水所入處柳條堪寄遠草色解隨  
人涿酒燈前意丹砂物外親川途方浩蕩常恐白鷗嗔

祖德有序

余家近堯畿代有文學高伯祖容山公萬曆甲戌進  
士歷關陝副憲詩名尤重於世嘗有云未遂持螯意  
空懸擊楫心蓋未嘗至江海間也余小子昔奉使至  
海上今扈從視河有舟航之賜珍食之飲追溯祖  
德感歎而記以詩丁亥二月初六日北河第一聞書  
祖德斯文在家傳正始音歌謠依帝日分野直辰參  
北壑三生客雲天萬里心持螯兼擊楫佳句獨長吟

第二聞蚤起宴坐寄李中孚先生二首

宴坐春船裏波濤靜不喧斯文如未喪名理與誰論雁  
影窻中月雞聲岸上邨浮生何所著有得是無言  
落落身名晚茫茫歲月違春風吹墮月曉色攬行衣四  
海幾人在百年萬事非祇應與夫子偃息向荆扉

舟中示兒子

忠信涉滄海清明揖岱宗無營心澹泊蚤起事後容文  
字元多累功名是偶逢行行鄒魯近捨此適何從



第二闌過後簡同直諸公在別舟

春氣漸氤氳香憶夕熏行看三尺日回見一川雲歸  
雁不可數遠鐘何處聞風帆猶未落客思正紛紛

清平縣有懷諸學士

水驛清平縣孤帆日暮來天低泰嶽觀雲澹魯連臺浦  
岸人嘗見谿烟棹却迴邑名元自好羨爾濟時才

東昌河上絕句

袖中三載篋中書行向河關千里餘流水無涯人易老  
海山消息近何如

陽穀縣

江黃曾此會渺渺棹扁舟野草迷陽穀汀花落濟州盟  
寒荷澤水春近嶽雲樓日暮絃歌地空悲戰伐秋

青川驛

青川望杳杳幽思與誰論倦客夢迴枕午雞聲近村浦  
舟隱北樹驛騎下東原魯酒一杯醉孤篷自掩門

荆門驛

漢水不可涉荆門齊魯間客行半春路舟在九河灣飛  
鳥目猶送孤雲心與閑悠然川上興偃息想潺湲

張秋鎮

境壤連三縣岸北隸陽穀東岸東阿西岸壽張人烟接二東漁商河市上雞  
犬漕船中平野遲斜照孤帆送遠風浮生信所適雲水

夕濛濛



寄桐城先生

秦嶽日邊出黃河天際流我行千里遠迢遞下南洲遙  
憶龍眠處長隨雲去留相期明月夜同宿大江樓

汶上道中

舟泊水逾響潺潺夕棹間清堪流石髮綠欲點苔斑言  
涉江海道况見東南山稍愜塵外賞沙鷗相對閑

舟中聞琴

倚槳綠波細泠泠聞七絲微風松定後明月雁歸時誰  
以黃金錯飾茲桐樹枝伊余方晏寐此理陶公知

二月十二日曉發濟寧作

杜李曾遊處能令百世思任城無賀老濟水似唐時野  
店雞聲早官河人去遲斯文終未喪儒雅是吾師

漆園城

隱吏何人解息機漆園漠漠草菲菲只今夢裏三千載  
惟見春來蝴蝶飛

魚臺舟次錢綱菴見訪

晨發濟北地暮期湖陵城天晴候雁迴烟曉春帆明執  
手豁野興款言生古情子方富才藻予老趨柴荆

月夜歸舟作

大船泊岸鳥棲枝小船迴棹歸人遲夜深却似南谿月  
池水東邊漸上時

舟中題畫



妙手勾吳設色工  
沙明水暖翠浮空  
扁舟便欲相從去  
不道烟雲是畫中

滕縣道中

楊歌聲漸襍吳音  
滕縣花寒柳綠陰  
欲渡清淮春色晚  
絕憐汶泗碧流深

彭城道中

落日彭城道  
淒涼戰伐功  
至今廳事下  
猶說霸王雄  
烟草隨蕭子  
風雲感沛公  
虞子不寐  
莫人在楚歌中

徐州道中寄荀少京師

扁舟一葉水連天  
歸雁成行落照邊  
今夜黃樓春草夢  
遙思風雨對牀眠

下邳道中

高鳥長淮去  
淼茫楚州人物  
入蒼涼  
誰知百尺樓中客  
自許元龍卧大牀

鍾吾驛

古道鍾吾驛  
秦餘下相城  
黃河天外落  
海水日邊生  
九點齊烟盡  
孤舟楚岸橫  
東南風景異  
同是夕陽明

晚望桃源縣

風帆憑水國  
驛路入桃源  
蝶夢時依枕  
雞聲漸近村  
春生海西岸  
月出秦東門  
欲就漁人宿  
還期靜者言

賦得揚州郭裏暮潮生

昨辭瀛海水  
迢迢直到揚州  
見暮潮  
聞道仙人在方丈



竹西晨過夜楓橋

渡淮北岫曉行暮抵曹家廟同儼齋尚書

春水生桐柏迢迢下楚州花開猶古渡月映自清流芳  
杜思南國蒼烟問故侯相從憑眺遠留艇寄閒鷗

清江浦寄秋崖

聞天無盡暮雲生淮水東邊月漸明同是離心江海  
上思君無那夜猿聲

淮上

高鳥依依去閑雲故故斜蒼涼淮水上塵落楚人家舊  
日英雄里殘陽野草花不辭胯下辱曾伍寂堪嗟

寶應湖邊夜泊有懷午園花樹二首

柳映桃花湖水清夕陽一樹近船明不緣隔岸應攀折  
爭惹行人惜別情

萬頃烟波一望孤長淮兩道夾蓬壺半篙新綠南谿水  
曾泛扁舟似五湖

宿高郵城南憶關塞舊遊

碣石遼西塞上緣吳江楚水夢魂邊秦郵亭畔多生客  
又是孤舟一夜眠

仲溝題別淮水

長淮千里水悠悠送盡行人江岸頭寂是裴回東去意  
暮潮還及上揚州

過揚子江



危檣來已遠絕岸一孤舟大海三山近長江萬里流蘋  
花迷極浦瑤草上春洲終古餘霞在能堪日暮愁

金山逢野老

江山閱萬古暮雨一登樓繫艇隨潮上飛花逐水流地  
喧逢野老心遠寄閑鷗相見不相識聊因慰薄遊

金山寺樓題壁

乞食何妨靖節賢殘年一飽便欣然解嘲肯信坡公語  
却訴江神為買田

金山寺留題

重向金山寺祇疑夢裏遊晚潮移岫艇明月動江樓檻  
外吳江各門前建業舟茫茫后土意漂蕩得無愁

京口

京口千帆窄吳洲萬壑深水天長浩渺霸業久銷沉故  
壘閑鍾阜雙峰在鶴林自憐江海客猶復戀華簪

招隱寺

招隱山深白日斜山前猶說戴顓家題詩人去無消息  
零落春風玉蘂花

自金山夜汎江入京口懷徐蘋邨侍郎維揚

妙高峰下泊暝色久沿洄艇進中流去潮連夜雨來南  
徐行漸遠北回首重迴芳草天涯路還思東閣梅

繫舟京口岸行赴金陵

征途渾忘故園情江上維舟杖策行一路青山連白下



却思今日是清明

次龍潭驛懷孝感先生金陵二首

人行江樹裡心在暮雲間  
草綠春洲長花濃野店閑  
纔辭楊子渡已近秣陵山  
明日秦淮水相看映別顏  
滾滾流年去匆匆會合疎  
長江爭道路斜日向林間  
野水雙窺鬢山花滿插輿  
因公一蕭散已覺似吾廬

發金陵登燕子磯

燕子飛時磯上過石頭牛首近  
如何六朝舊壘山千點  
萬古長江海一波烽火幾曾燒  
野草樓船終不礙漁歌  
只今虎踞龍盤地北拱神京  
王氣多

夜行阻舟即事

雙鬢斑斑照千櫓一澗通窄  
疑秦棧險曲似阮途窮犬  
吠穿林月人驚泊岸風無生  
那有累至此萬緣空

哭吳元朗

春水吳天路迢迢半為君客行  
失東道老淚滿南雲漂  
泊真由命窮通豈論文淒涼  
千古恨流慟大江濱

題松江尚書賜金園

天與園林泖水隈賜金早見出  
蓬萊滄海漢帝營朱耶  
恩比唐宗撤殿材曾轉行旌  
花外駐還隨步輦日邊來  
六龍已協非熊夢却勝磻溪  
罷釣迴

發松江奉懷杜梅梁先生二首有序

先生諱喬林字君還萬曆丙辰  
進士由刑部主事為



湖州知府威惠大行捕太湖盜有功還水利道歷福建屯鹽道山西按察使入覲時流賊陷河曲莊烈帝問城陷故先生對曰賊饑民亦饑城故不可守願思所以賑恤之而已時進言者多震懼失指先生條對詳明帝目屬焉進浙江右布政使分巡溫處道海賊入寇募勇士殺賊三戰皆捷以病請歸先生名德著於家國華亭人思慕之不衰予過先生故里愴然興懷蓋低徊不能去云

旅館春臨水隨潮夜出城海風常欲冷江雨急無聲夢與九峰別情將萬古生集仙門外路天上迥分明南門曰集山

身世誰相識孤舟晚自橫野花隨岸泊邛徑落潮行風物猶今昔聲名屬老成并州棠樹在想見舊遊情

嘉禾道中三月晦日作三首

行盡吳洲望越峰竹枝桑葉晚烟重送春此處辭人去來歲春歸何處逢

望裏平蕪水碧灣嵯峨心在兩峰間故園此日春歸路東去千山與萬山

客舍桑乾已白頭故鄉迢遞在并州吳山越水三千里歸夢時時過薊樓

西湖重宿瑪瑙寺

放鶴亭邊處士家依然禪榻倚烟霞地幽山色臨窓近徑轉湖光入寺斜香閣遙飛三竺雨畫簾高捲六橋花



門前鷗鳥如曾識相伴寒雲宿晚沙

西湖月夜

湖上見新月窈窕清波間漸明烟際寺半影牕中山漠漠渚花落蕭蕭林木閑雲陰入早夏頓覺春光還

登葛嶺最高處

紅樓窗外碧孱頽高枕深慙野衲閑風雨三春江上路烟波千里浙西山欲騎鶴背排雲去且聽漁歌弄月還寄語仙翁勾漏令丹灶人在海門間

發武林寄桐城先生維揚

湖水盈盈照白頭謝公東閣在揚州誰期洛下三年別重作江南雨也留風雨連宵如昔夢雲山今日是歸舟相思不逐春光老明月長江萬古流

長水道中又題二絕句寄桐城先生

綠蘿烟草芰荷衣曾約青溪共息機卜築江南吾已老桐山空望白雲歸

憶昨揚舫下楚州相邀明月宿江樓只今人在江南北况復前期兩白頭

四月二十三日歸舟渡江題杜梅梁先生遺像

九峰望不極千里向河關吳楚江邊岼人天海上山迷津行漸遠往路夢能還夫子清都客相思塵世間勳業雲臺像風期天上人文昌高帝座香案儼儒臣忠孝傳金錄精誠達紫宸南冷清絕水一酌薦江蘋



瓜洲渡江

天塹茫茫裏長風送小舟地連滄海市城壓大江流南  
北分岐處關河第一洲雲山歸路遠芳草欲相留

維揚贈金陵送者

江上秦淮一葉舟多君相送到邗溝情知建業城邊水  
解為行人西北流

嶧縣南見山有作

自別春山去夏雲深幾重黃河西北岸翠色兩三峰未  
暇觀滄海還應上岱宗仙人相待久騎與二茅龍

滕縣

麥風如浪影參差滕縣溪光漾綠漪五月行人河北路  
江南又近稻花時

流水

流水清如此征遠去若何暮雲飛鳥盡孤渚宿鷗多鬢  
色羞開鏡年華畏逝波三山儻可到心事敢蹉跎

泊太白酒樓下和人金山詩

浮玉滄江激浪奔高樓客夢幾消魂一峰底柱當吳會  
萬里朝宗赴海門直下波濤驚地軸倒翻河漢動天根  
君山刻却湘流好醉裏狂歌未可論

太白詩刻却君山好平鋪湘水流

夜泊汶上張老莊即事

綠陰遙識好林泉弭棹還移近屋邊桑下豈容成兩宿  
壺中自可度千年烟霞便是神仙宅香火曾為大士緣



不繫舟船心已住夜來明月滿前川

壽僧五十

桃花栢子舊禪枝五十風光迥自知  
比到趙州行脚日青蓮弄藥已多時

禹鴻臚以賈閻仙養雛成大鶴種子得高松詩意

畫為圖壽牧仲太宰二首

九臯聲徹過庭遲丹頂元裳世羽儀  
寂是鷹揚人未老岐陽初見鳳鳴時

暎日龍鱗偃蓋形種時曾惜子星星  
從今風度雲來後看到年深長茯苓

題嚴如園編修竹堂雪圖二首

銀管連宵映雪明六花催放筆花生  
玉堂曙色清如許修到唐書第幾羸

扶荔雲邊繞屋梅寒香林裏竹扉開  
若為驢背尋詩去定是龍門賞雪來

九日獨遊東林寺會牧仲太宰與諸名士分賦古

人九日詩句予亦效顰拈得樂天自從九月長  
齋後不醉重陽十五年之句聊以發諸公一笑

粲耳

十年半偈老相催今日重陽笑口開  
伴食還逢香飯鉢逃禪且盡菊花杯  
高雲細逐長天去四序平分一氣來  
會得道人元不醉憑君三萬六千迴



上元前一夜宿北墅壯履內直未歸即事作  
華林渺渺接烟邇宿鳥寒枝似故園人道謝家生玉樹  
汝憐韓祖識金根關山往路頻回首燈火良宵獨倚門  
已辦乞身章再上歸田心事待重論

正月十八日 苑中奏摺子以老疾懇請致仕將

隨例具疏投進未蒙 恩允歸路口號

一紙三年篋裏書今朝得奏玉階除九霄 天語驚難  
荷萬事人生愧不如沙凍野鷗行尚懶路迷老馬步還  
踈殘燈落盡歸來晚又是春宵畫角初

向雲澤自曹州以牡丹見遺賦荅

春風料峭幾枝斜穠艷依然帶露華收佐舊為芸閣吏  
曹州今有洛陽花寫生銀管曾修史入席天香抵坐衙  
茆舍竹籬還稱否憑君相贈到烟霞

乞歸未得荅曉山侍御見訊並簡鐵峰甥壻庶常  
感君問訊賴交情同是柴門隴畝民歸去來芳今已老  
臣之少也不如人鄉園歲酒團團晚 帝里恩光浩蕩  
春轉覺過從還絕少知予懶似舊時真

趙中丞生日詩

馮翊扶風寵異才一門兵柄戟扉開功名兩世凌烟閣  
威望三公御史臺蒔苑山河圍雁塞春農風雨接龍堆  
封章驛奏 天顏喜新賜甘泉法醞來

季橋東以縑素索書戲題



子敬還當過石軍家雞野鷺不同羣吳綾半剪并刀冷  
空負羊欣白練裘

王恒蘇學士以新 賜御書兼為王母稱壽索詩  
因同赴南苑馬上口占為贈

燕趙流風間氣生黃圖人物漢西京闕城地闊開南苑  
山海天高見北平輦道曉隨春樹轉殿廬新奏祕書成  
多君 御藻承恩日正是長筵進玉觥

出郭見山桃花早開二首

汶篁凍葉影離披惆悵江梅雪滿枝惟有山桃太狡獪  
一春先放早春時

雙眉嶽嶽重如山怕見飛花點鬢斑紅杏綠楊都後汝  
相看陡覺破愁顏

楮牕雪後閑詠

雪飄簷樹凍霑枝烟景銷沉歲閏時三月春寒歸燕少  
今年人老見花遲已堪酒盡忘弓影那惜詩成鬢鬢絲  
自是黃楊慳節候天工一物不曾私

浙閩總督梁公調生日其門下士為求詩

往事金陵憶請纓鯨波風捲陣雲橫頻年節鉞兼文武  
一代勲名罷甲兵海嶠八閩今半壁江天萬里舊長城  
東南多是甘棠地已識台星正玉衡

張孝先中丞開府閩中

開府年來出至公玉鑾宣 詔大江東清如秋水涵溟



海直比朱絃應化工百道樓船迴下瀨三呼笙鶴過登  
嵩衣裳正及夔龍會已奏卷阿豹尾中

詠懷簡西陂先生

一月不相見三春有所思殘花遮徑淺孤鳥託枝遲物  
望如公在生涯敢自私祇應垂老意攄寫向西陂

和陽關曲三首

柳色年年似渭城客中相送客中行一杯酒盡君須去  
故遣陽關三疊聲

銀瓶沽酒玉壺傾醉別多於醒別情與君莫作忽忽別  
聽取陽關第四聲

酒醒人遠柳條閑草長沙塲接塞山遙識玉門春不度  
夕陽何處是陽關

閏月二十一日題野人壁

有意天工閏歲華春光偏在野人家差科未動閑時節  
相見匆匆為看花

西陂歌八首送牧仲太宰致政還商止

將歸不作送行詩說着青山惹夢思纔渡黃河人未遠  
午亭沁水接西陂

正憶西陂隔翠微網魚刈麥弄晴暉明農却笑鷹揚老  
罷釣河邊不見歸

城郭人呼埳澤門歸來行馬舊猶存回思赫赫宗周業  
微子千秋有裔孫



鐵石心腸賦寂奇宋公池館早梅時朝來睡穩茆檐日  
看罷南枝見北枝  
赤松黃石有前期人似留侯更莫疑錯比渭濱歸去晚  
年來未及釣璜時  
細雨為霖知好春東阡南陌指平津毫北遺老欣相語  
公是商家夢裏人  
文雅臺邊大樹枝綠陰春長草離離桐珪世及唐封遠  
到日先看賈至碑  
堂開五老杜初公八十年時當老翁且待潞公九十外  
我未並駕謁高嵩

寄弟梅莊

風動百花好紫荊照眼明友于關至性兒女累虛名五  
斗陶家意千秋季子情題書心緒亂那得盡平生

五月初七日蒙 恩問臣病狀感而恭紀

眼洗黃連風黯吹驚傳好語淚雙垂祇應疾痛呼天訴  
已見矜憐荷 聖知七日夢魂遊 帝所一槎星漢問  
秋期歸來穩續陳情疏再奏 重瞳報典司

送子文之南安

玉珂萬里度黔陽新換銅符下豫章已有風謠聞按郡  
最多文采見為郎梅花南嶺春先放江水東流路自長  
政暇從容過幕府要令詞賦續三王

再送牧翁



家近青山欲盡頭  
太行新月古懷州  
遙知一灑臨分淚  
能使黃河水倒流

南來沁水北雙魚  
中有佳人錦字書  
歸去未歸君已去  
西風搖落雁飛初

為子文書褚公撫本蘭亭有米海岳跋褚公書米  
所自出也子文書實本文皇冊兼諸家精意有  
名於時因以為贈

昭陵典冊尚嶙峋  
米老誰當繼後塵  
更得文皇親激賞  
祇疑登善是前身

薊北門送人

言從龍尾下繫馬  
此荒村海日遼  
西路天風薊北門  
塞山木落遠沙野  
雁飛昏奈亦茫茫  
客離心安可論

北墅二首

市朝躑躅處林野  
得遊行身為隨人  
懶名一作官因入道  
輕墻花欲避蒼柳  
側還迎風景何遷  
次無心物自平  
疎樹見茆屋孤雲  
來遠村野鳧依凍  
水籬犬出閑門老  
漸收書帙愁仍命  
酒樽海風吹白月  
相對倒金盃

野宿觀送別者

宿鳥猶在樹征夫  
已款門夜霜盈別  
袖山月照行軒往  
路人將遠離觴酒  
尚溫勞勞亭畔柳  
銷得幾迴魂

十八日北墅蚤起書

道心遠塵市野興  
愜郊扉酒潑泛不  
淺燈花開未稀晨



鐘人倦起殘月雁孤飛一夕西山外林泉夢覺非

簡王思顯侍御

仍是天涯客能忘世上情那將詩送老聊用酒為名黑髮雖難變丹砂竟可成長吟摩詰句辛苦學無生

冬日書懷

已看寒臘近不厭歲華頻岸柳催着放江梅作意新世應輕白髮我自惜青春暗與東風約驅車草似茵

自題楮窓詩後與吉人

楮窓人又老相對葉凋殘近覺無能好還思忍事難慵拈書帙厚喜接酒杯寬賴有新題句憑君暖眼看

曉行西山下懷素心兼寄秋厓閣中荀六荀少粵

東

太行千萬疊人在太行西與汝為兄弟多生合解攜野雲歸路遠霜鳥宿枝低更想遙天末如聞猿夜啼

十月二十日夢中得句春苑多桃李孤松獨稱心

云是白香山所貽覺而有異因續成詩

春苑多桃李孤松獨稱心夢中名句味天上紫虛音夫子云何在高風實所欽詩仙題鳳藻聲價重雞林最有文章貴還知道德深言辭嘗諫諍勲業不銷沉千里黃河曲三峰華岳臨曇花開一見蒼荀與重尋騎換令公鶴紗添元亮琴唐家猶盛日精爽到如今

半日村



唐詩人郎士元酬王季友題半日村別業詩村映寒  
原日已斜烟生密竹早歸鴉長溪南路當羣岫半景  
東鄰照數家余往來北墅率在夕陽時偶誦君曾之  
詩謂亦可以半日名茲村也

行盡高城望北原寒烟衰柳向柴門鳥鳴欲下斜陽樹  
客到堪題半日村自古繁華成寂莫只今好景易黃昏  
紅鑪煖炕推窓坐新月還當泛酒樽

壽樊秋試失解有作

晉陽宮柳噪寒鷗桂葉飄零烟月斜孺子已堪為逐客  
老人那得不思家槐根待醒殘年夢梅蘂禁看破臘花  
聞道春耕田絕少陽坡留與種秋瓜

十一月十七日半日村草堂獨宿壯履以事歸城  
中排悶作二首

曲巷茆堂轉藥欄新豐將作舊村看青山送老千年在  
紫陌尋幽半日歡懶慢從教書帙亂忙閑放任酒杯寬  
墻花階草饒春意况有園松耐歲寒

半日離家半日歡老人情緒亦無端自憐為客衰顏冷  
那敢逢人白眼看坐久山村真寂寂夜來冬月尚團團  
應知短檠攤書處猶是寒窓映雪寒

半日村曉起即事

沙寒幽草覆清溪步野村邊獨杖藜千里雲山行塞遠  
四圍煙樹接天低流泉近海還趨北落月臨關故向西



昨夢分明在巖谷數聲催斷五更雞

半日村即事述懷寄朱竹垞

西郊槐市遠北墅草堂偏紫陌韶華晚黃塵歲序遷偶  
 來嘗半日小住或經年裂帛湖陰迴來青閣道懸飛雲  
 交碧樹幽澗出紅泉覽結情難徧登臨興每牽繚牆環  
 斗極列館應星躔耶第看榮謝蓬萊得靜便圖書容懶  
 漫北壑可流連入直居人後投林在鳥先風光堪送老  
 景物似歸田洛下三生客江東八詠篇多時常繾綣即  
 事益纏綿伊昔宮庭裏相隨供奉前公才真特達契分  
 與周旋文史紛填委言辭賴討研蛟龍騰彩筆鸞鳳上  
 華箋自賞千金貴誰為半額妍蛾眉從古妬狗監幾人  
 賢浩蕩江湖外蕭條杖履邊寶鼎香漸散團扇月空圓  
 花為春愁放風因急雨顛暮霞猶片片霜菊尚鮮鮮獨  
 有殘年者歸與盍已焉對人同野鶴無語類寒蟬點綴  
 絲綸簿棲遲粥飯緣漏稀銀箭水日慢綺窓錢身世誠  
 由命行歲豈任天劄嘗兩迴上謂兩進摺子乞歸書待一封專已  
 蠟登山屐還尋載雪船故人知好在雙鬢各飄然天壽  
 崇名德思君一勉旃

桐城先生輓詩四十韻 有序

桐城先生初以史官特擢長直 內廬閱數載予始  
 由翰林學士掌院事被 宣召間日月一至至或更  
 歲時復出與公聯事最久公游歷院部及參大政入



侍帷幄出踐臺閣予前後在官未嘗與公不相從也

公既予告歸予實忝總公後公和而不屈約而能通

口無言過動為行表擬量絜德予多愧焉典型猶在

哲人云亡終始之際得無愴懷銜慟致詞畢摠情志

同天遊復旦惟岳降生申世向百年老公為千載人台

階環斗極箕尾上鈎陳達命元通化登仙竟若神已為文

呂列龍眠騰赤道鵬運絕蒼旻時論歸前輩斯文起後塵

過門傷賜第為位哭霑巾令德今長在流徽久不泯魏

徵多嫵媚子壽更清醇履坎平如水經冬暖似春共知

經術美直取性情真有犯心何校忘機物自馴罷琴聲

斷咽別鶴唳嘖呻賤子衰庸日恭承 明聖辰追陪紛

感激遲暮易逡巡弱植依温樹非材忝積薪淒涼飽韓

菽瀟灑想吳尊餞宴樽壘盛班寮祖席勻湖山疏沼榭

雨露滴松筠最愜幽棲志高標獨立身寒更待漏院羸

馬子城闈蕭颯驚從衆乖離失所親冰兢趨閣道惶恐

接麻綸往事看調鼎餘波欲問津酒壚約犀首卜肆謝

嚴遵自撥形骸累寧由祿命屯且容行坦坦不覺走跋

跋指口翻成錯推省敢效顰裴回深殿路邂逅大江濱

聚散逾三紀逢迎再浹旬先生憐故舊後死痛沉淪何

處青囊藥堪扶涸轍鱗還丹應有術冲舉豈無因溝壑

嗟填委雲霄訝屈伸葛公泉味冽苦縣李嘗新帝所升

賢詰 朝家念舊臣浮生投淨域上宰佐鴻鈞幽贊參



軒如神功邁渭莘精誠仍報國靈爽必殊倫明月清風  
夜無辭入夢頻

園柳送南歸客

園柳淒迷戀落暉不成攀折送人歸曉風何處棲枝鳥  
正是江南雁北飛

閣中見題名錄有懷張澤長下第

村花溪草共栽荆幾度春風在遠行松月照窓思伴直  
杏烟點筆悵題名家山正是懷君處客路翻同下第情  
那有斯人滯空谷皇天老眼自分明

杏花二首

昨朝紅藥已離離今日花開定不遲未到曉鐘人別去  
歸時應惜未開時

客舍紅芳又一時別時常早見時遲成陰結子匆匆過  
知汝明年可對誰

北寺坐久對花作

嬾慢時常絕送迎相逢且作看花行忘花坐久兼忘我  
何況悠悠世上情

杏花半落又題二首

宛轉辭枝似別家飄零衰白向天涯春光未老多桃李  
恠底心情為杏花

絳雪飄蕭落似銀年年有約趁芳春祇憐白髮終難變  
總有丹砂信不真



去歲與牧仲同出西便門今春過此門感舊却寄  
音書迢遞雁飛翻往事重堪與細論十里烟花隨輦路  
五更燈火出譙門東都祖帳何人在北海賓朋舊日存  
再見渭城新柳色殘年銷得幾迴魂

夜讀四書有作

蕭然衣馬耻輕肥更覺閑門客到稀未盡百年誰竟是  
已過七十早知非天迴鄒魯生人命地轉江河造化機  
道在六經先四子焚膏還欲繼餘暉

獨坐與澤長示隨正

獨卷殘書坐誰堪總夜缸花飛紅溼硯蝶舞綠陰窓晚  
景春猶在歸心老却降相憐去住意客夢各雙雙

春暮卧病志感

殘花細雨眼迷離乞取春光為鬢絲裁就綠章封未上  
一年忘却送春詩

雨中簡曹生

無數垂楊縮別離春風春雨又歸遲暮鴉棲斷黃昏樹  
正是平沙落雁時

四月初七日病假杜門忽已半月偶遇南使寫懷

寄訪濂

蕭蕭白髮不勝冠拄笏西山日日看又落牆花知客久  
未歸江雁覺春寒忘機書向忙中展好嬾琴從靜處彈  
相見故人傳一語只今卧病在長安



卧疾寄壽樊

春歸何處渺天涯門掩疎籬久客家雨過啼鳥還繞樹  
風吹驚蝶尚尋花綠陰漸覺東牆厚白日迴看西嶺斜  
有約陽坡棲寂地來時未必及秋瓜

曹生過予彈琴

門如寒水近方壺三徑依然興不孤蘿月有情稀客過  
松風無價待琴沽音聞寂歷銷塵劫煙雨空濛入畫圖  
萬事浮生難住著儘將閑處費工夫

與高鍊師

柳市誰知著隱淪五陵車馬逐流塵古稱燕趙悲歌士  
我愛雲山歷落人蘿徑風花長避客石壇烟樹若為鄰  
雅琴自昔同相賞笙鶴從教分外親

自題午亭山村圖往年有卜居江南之意撫今追  
昔因兼寄懷訪濂侍講謹庸宮贊一百韻

元會中天盛勳華二典懸王畿千里內甸服四門前宮  
室茅茨下羹墻日月邊瞻依從北極耕鑿向東偏宗祏  
猗蘭大支條奕葉連我陳真忝竊帝系本纏綿媿汭波  
流遠胡公錫命專蒼茫經百世播蕩詎三遷履武因蒲  
坂觀星並潁川地開王霸迹野次蘄參躔華岳遙撐拒  
黃河近折旋歷山容陟降雷澤許洄沿巘壑蠶叢澗峰  
巒鳥翼翻太行故犄角清洎復淪連終古唐風在於今  
舜德延周家虞叔國原邑趙衰田往事皆如昨遺踪一



浩然關城紛接塞山水上連天自昔黃圖迥高居白壤  
 駢距河臨充雍都冀盡并燕以德承三統無私戒十愆  
 紛紛強役弱徃徃急相煎篡奪何知足誅夷或併肩王  
 風委蔓草宗國混戈鋌禮樂資師表詩書費討研鳳兮  
 誠已矣麟也曷終焉茅土乖王命封疆競自便夏盟誰  
 竟主晉國適相躡遂有陪臣亂能操共主權九州方迸  
 裂初命更轟閔韓土三分僭留侯五世賢莫強兵馬地  
 獨切虎狼緣七國爭鋒鏑孤羸擾幅幘職方經界壞王  
 制井田寘餘烈窮塵燄殘灰積劫然孤鳴篝火爛蟻鬪  
 穴沙填華屋嗟危栗蒼生痛念悁三精埋魯壁九鼎墮  
 虞淵自古興亡業何曾白手奪人占芒碭氣天厭祖龍  
 燁戰地無秦壘清時有漢曠亭名留午壁表字問丁年  
 每憶樊川藁相同杜牧編標題殊未忝笑語任流傳余所居名  
樊川昔曹以樊川名集 彭澤窮山海桑欵撰水泉開時供把翫佳處借  
 陶甄適與情相洽還因取自箋會心仍古蹟選勝得遺  
 篇白石欣相賞朱坡悔欲前午亭鄉夢短故壠客心痛  
 迴首余生後移家宣德先吾宗簾子姓小子一夫屢頗  
 按鄴生註幽尋沁水俗折城高掩映上澗側便姍漢澤  
 東交滙陽阿左狀漩浸山霞縹緲漱石玉潺湲獨徃淨  
 如練單行清且猥樊山迴峻嶺丙舍列長挺峽起村完  
 聚風藏氣鬱芊西流東澗水南暝北峰烟物外人稀到  
 區中事少牽桃花春十里桐葉歲三千舊是唐封地茲



為世陌阡古今同一慨俯仰各相憐過隙云何駛安居  
即是禪生涯役薄產貧樂悟真詮猿鶴容疎放雲烟不  
棄捐但攻章句學寧為滌辭妍在昔龍門史能驅虎觀  
員汾川宗浩浩凍水破濺濺天使斯民覺心歸至道堅  
斗標聯氣色桑梓接壇筵詎敢憐同調因之願執鞭文  
瀾寬似海義路直于弦源遠惟涓滴途長祇躡顛龍鱗  
攀莫速鵬翼附難騫忽漫思姑射聊將效倭佞幽憂能  
解免羈思遂拘繫只訝巡欄處還悲飲露蟬自教身寂  
寞豈是遇迤邐捐潔思巢父孤高慕善卷衡茆奈未遠  
仕隱古難全肝胆分秦越菁華合削股少言羞拙訥多  
病愧娟嬛腕力驚鸞紙臂膚困馬羈金丹誰與鍊白髮  
豈須蠲蝶粉頻銷落蠶絲數裏纏阮孚幾蠟屐子敬舊  
青瓊荏苒時將晚<sub>以</sub>蛇業未竣春華今已謝夏月又重  
圓留舫思安道登樓悞憶仲宣草池珠並綴雪塢壁常聯  
河北歸樵路江東下釣船故人徵晉問南國被薰絃吳  
地觀型土堯封慕<sub>不</sub>椽騰翔憑驪裏蹇鈍託夔蛟獻納  
勤三祝謳歌暨八<sub>以</sub>采洲思杜若卜築試筵尊葺芷編  
荷屋疏蘭傷蕙楊董<sub>可</sub>鱸與藜糝那復異坤乾

牆邊隙地可種柳有感而止贈張大

夢到鄉園覺後驚天涯芳草傷愁生牆邊更不栽楊柳  
恐惹征人去住情

病起夜詣苑中簡方若



一月閑居理去裝連宵又罷乞身章風迴烟草春如夢  
月上溪花夜有香嘶馬漸隨雞唱遠流泉還與漏聲長  
思君未了詩緣在擬向樽前醉幾場

方若見和復次韻

一世生涯在索裝明珠照乘辱新章我如散木天容老  
君比幽蘭國有香魚鑰曉催鐘漏盡馬蹏春緩玉鞭長  
九衢三畝都陳迹且可相尋翰墨場

野寺寄素心

伏枕春歸見夏雲眼中物態又紛紛林花飄落隨殘靄  
牆柳玲瓏映隙曛一簇游蜂憐幻影幾迴喧雀斷聲聞  
俗緣易了情難遣詩思禪心並憶君

嵇母節壽詩

編修嵇曹務母博士永仁夫人

表忠有喜到慈闈彩鳳啣書下紫微天上尾箕明歲次  
人間蘭玉茁春暉賓朋重整陶家讌綸綍新裁孟母機  
賜得錦袍親看著開箱還檢侍中衣

湯西厓視學中州使還簡懷

別久思君首重搔音書斷絕夢魂勞中流濟水清長在  
秋色嵩雲晚並高自有雄文歸諫苑信知廉吏出詞曹  
相逢不覺衰顏冷喜共承平氣象豪

題西亭榆樹寄豫朋二首

白榆歷歷在秋河種向亭前映綠莎幾度西風見搖落  
樹猶如此奈人何



紙上功名換筮簑槐庭柳塞不爭多只今垂老漁陽客  
望斷關榆曳落河

八月十二日半日村侵曉夢獨行迷失道攀緣絕

磴上見土壤平豁枕山帶郭風氣鬱然有朱衣  
夾路問之曰合肥李公墓也哭失聲而覺二首  
夢魂枕上江南路覺後初當墮淚時宿草幾迴秋色老  
傷心為欠暖君詩

雲車風馬像平生指點朱衣導我行回首黃麻十年事  
荒原今日見交情

韓質良來自梅莊憶舊遊却寄舍弟

問訊山中客山中十載前朱坡連杜曲石塢自樊川看  
竹携殘帙題松壁短箋曝視家似阮歌枕腹如邊燕壘  
花銜補鶯窠柳對懸陶琴元未鼓姜被幾迴眠苔滑經  
妨屐沙晴坐勝綿寺樓釀酒借鄰舍引渠穿行馬能踈  
放騎驢任倒顛山歌遲嶺月牧笛上墟烟雞犬知人意  
樵漁省世緣至今溪水上閑却夕陽船

題紫滄醉吟圖二首

閣道天街隔禁林黃昏獨坐紫薇深如今問取香山老  
那有閑時得醉吟

長慶文章筆晉人十三行後點波新情知子敬風流在  
故遣生綃畫洛神

謂圖中寫景

周在清孝廉館王省長學士家數以學士意來診



視余疾寫懷申謝之作十二韻

卅年如隔世相對意蒼茫  
藥榻人還少槐根夢許長  
物華遽起忽遲暮獨淒涼  
語默思難遣逢迎性頗傷  
病緣聞道晚時為訪醫忙  
臣朔公車客留侯辟穀方  
藥來嘗苦口事往戒迴腸  
肝膽雖顛錯心神頓激昂  
古人知國士吾老惜文場  
伴直因松月棲巢得鳳皇  
雲天殊浩濶鵬路合翱翔  
他日紆簪紱無須學楚狂

題衛會嘉竹間圖二首

浮筠瀟碧野烟生天帚還應傷玉清  
不度岑華尋嶰谷此中自有鳳皇鳴  
瞻彼淇園衛叔賢風人載詠武公篇  
誰知千戶侯封日十畝依然在渭川

已丑八月予承祭 聖廟我裕以分獻同事越日

見示寫真冊子徵予近詩走筆題四首

夫子宮牆數仞尊婺源源水接崑崙  
百官宗廟多時見正是長身幾世孫

長恨樞趨後魯堂三千弟子不同行  
也應高士軒中去灑掃還賫一瓣香

曾聞五老降星精萬古宗祊在魯城  
不見閩天誕睿日芙蓉藻井白虹生

先聖生有五老降庭文公誕降於閩是日有白虹起於發之北隴我裕家吳楚間故有此首

珠囊金鏡赤書新冠劍何堪問後塵  
四海絃歌同此日故應吟詠作詩人



王蓋臣將還故山見過取別

大隱還須讓散人  
偷然採藥問歸津  
已將白髮安吾老  
只為丹砂濟世貧  
午枕流連鄉夢遠  
閑門剝啄子來頻  
故山亦有胡麻飯  
莫向天台訪玉真

午亭文編卷二十

男壯履恭較

夫七言律詩每篇三十餘字不同於古詩高士傳中  
良亦真冊子始於此始於夫善觀四首  
五言八言十言等類 聖廟非詩必公精同也



